

續河南通志

續河南通志卷之三十九

學校志

帝王典學之制辟雍鐘鼓代有加隆而興賢育才至
我

朝而大備

今天子臨雍釋奠巡幸闕里

頒儀注定樂章崇儒右文超越百代而上河洛圖書靈
藪名賢道教攸存諸生試於習禮之餘仰觀

文治當必有勃然興起者續學校志

學宮

附書院社學

開封府

開封府儒學乾隆元年奉

旨啟聖宮易名崇聖祠二年奉

上諭增祀吳澄於兩廡三年

詔以先賢有子若列十哲之次

各府州縣學同

祥符縣儒學乾隆二年知縣張淑載重修

杞縣儒學名宦祠舊在學宮西北鄉賢祠在學宮南

乾隆二年邑人高淑弼等捐修皆移於戟門之左

湯武縣儒學雍正八年知縣麻居湄乾隆八年知縣

談謨曾重修

封邱縣儒學乾隆二十一年知縣曾興柱重修

儀封縣儒學乾隆二十四年知縣紀黃中重修

鄭州儒學乾隆三年知州張鉞重修

滎澤縣儒學雍正八年知縣巴鑒九年通判李維坊
重修乾隆八年邑紳李士甄增葺三十年併河陰縣
學爲鄉學

滎陽縣儒學乾隆十年知縣李煦重修

新鄭縣儒學乾隆十一年知縣王大樹重修

崇聖祠十七年知縣陳中捐資修

大成殿

歸德府

歸德府儒學乾隆十六年知府陳錫輅重修

陳錫輅重修儒學記

國家重熙累洽海宇乂安凡
之內守土者罔不崇飾學宮俾

魁秀之士修容乎禮園翺翔乎書圃况在微子受封之地爲

至聖源流所自哉郡學自前代迄今屢經興替

皇帝御宇之十有五年余奉

簡命由河南郡調守是邦下車之後肅謁

聖廟顧見丹堊黝昧梁桷彫剝懼不足以揭虔妥靈匠

成翫秀思有以重新之退計所費非數百緡不濟乃

首捐薄俸而邑人之好義者各輸金襄事因是擇吉

鳩工圮者整之缺者補之漫漶者彩煥之始於辛未

秋迄於壬申春凡數閱月而告竣嚴嚴翼翼烘赫有

禕矣夫學校者人才所從出其間興替如山谷之出

雲焉雲之厚薄視乎山之崇卑人才之多寡視乎學

校之盛衰而已歸郡九庠科名甲於中土而郡庠非

先師禮教之留遺而重以絃歌之陶淑則爲功較易也自

茲以往將見霞蔚雲蒸蛟騰鳳起人才之興其未有

艾乎

甯陵縣儒學雍正八年知縣常衍田松齡相繼增葺

乾隆十年知縣梁景程重修

縣儒學乾隆二十四年知縣三世任重修節烈祠又於明倫堂重建

萬壽亭

永城縣儒學乾隆二十二年知縣羅士昂重修

大成殿二十九年知縣李夔班自

崇聖祠明倫堂次第修建並移建名宦鄉賢等祠於櫺星門外

虞城縣儒學雍正十一年知縣張元鑑倡修邑紳許士正等協力董成

彭德府

安陽縣儒學乾隆三年知縣陳錫輅重修

湯陰縣儒學雍正八年知縣楊世達重修

林縣儒學乾隆四年知縣丁永琪重修

武安縣儒學雍正八年知縣唐繹祖修櫺星門易木
爲石

內黃縣儒學乾隆三年知縣李澆重修明倫堂十年
知縣萬作霖重修

崇聖祠戟門櫺星門泮池影壁明倫堂及各宦鄉賢忠
義各祠

衛輝府

汲縣儒學訓導公解乾隆十年訓導楚蘭重修

新鄉縣儒學雍正十三年邑令張鉞重修尊經閣乾

隆二年知縣時正修梓潼祠五年邑令趙開元增修
晦菴祠櫺星門兩廡泮池及明倫堂六年捐俸重修
聚奎樓九年創建神器庫三楹於明倫堂之西十一
年重修

大成殿明倫堂敬一亭

崇聖名宦忠義孝弟節孝等祠儒林坊及教諭等宅增

文昌閣門檻週圍盡砌花磚墻垣

趙開元增修學宮記

新鄉縣廨之東爲學宮廟制雖不甚嚴麗然殿廡粗具尚可棲

神至櫺星門內外墻頽木朽往來者視若通衢而兩廡泮池及明倫堂所在亦多頽圯若廟中祭典固陋相仍禮器尙舞殘缺未備

先師俎豆之區狼藉至此何以興賢育才佐

天子右文之治也是宜先崇廟貌以肅觀瞻將一切敝墜者謀所以修葺之計工度材約需白金八百邑值災

書之餘積賦未清民力未可以勞為捐俸以舉其事而監視之周區畫之善則學博潘君實董其成也肇工之日適領新製祭樂器收貯廟中因語潘君曰此正禮樂聿興之時也講明修正非異人任當與君共之潘君勤於鐸職素切釐定絕不河漢余言爰購大清會典及通志各書公餘與潘君共相考核補造先儒之神主以定位次詳稽祭器之品物以肅灌將至禮節有一定之儀文樂舞有自然之度數綴說繪圖彙成一帙俾俎豆之司鼓翟之吏有所循而守焉庶幾入廟生敬臨事而專致其精明神既得所憑依而又能盡其所以交於神明之具將見聖人在御羣賢陟降是則一代文明之治而余兩人且暮望之者

輝縣儒學雍正六年知縣張鏐始建忠義孝弟祠乾

隆十三年知縣王孚補修

大成殿十五年知縣高儁飛重修奎光樓十八年知縣

文兆夔修

崇聖祠二十一年重修

大成殿及兩廡名宦鄉賢忠孝節義各祠

獲嘉縣儒學乾隆七年署縣事趙開元新東廡十八年知縣吳喬齡修尊經閣魁星樓改建

崇聖祠敬一亭新

文廟周垣重建訓導宅

滑縣儒學乾隆二十六年知縣呂文光重修

懷慶府

孟縣儒學乾隆二十七年邑紳士捐資重修

溫縣儒學雍正十三年知縣顧心錯重修東西廡乾隆四年知縣范元灝重修

新河南通志 卷之三十九
崇聖祠五年教諭韓完增建東房六年知縣祖世德重
修鄉賢祠邑貢生吳大謨重修卜子祠七年知縣張
承謨重修

大成殿九年修戟門二十二年知縣王其華改建鄉賢
祠於

崇聖祠左右又重修明倫堂及西齋房

原武縣儒學乾隆四年知縣吳文炳重修十二年教
諭萬侯重修明倫堂

河南府

鞏縣儒學乾隆元年知縣李璟補修

大成殿六年署任知縣朱績重修

崇聖祠十年知縣邱軒昂重建櫺星門敬一堂黑門樓
其餘傾地處次第修葺

登封縣儒學乾隆三年知縣施奕簪修

大成殿其餘自八年十一年相繼重修

瀾池縣儒學乾隆十年知縣梁易簡倡捐重修增置
更衣亭於櫺星門左墻

嵩縣儒學乾隆二十五年教諭陳常訓導劉筆華重
修

崇聖祠三十年知縣康基淵疏濬泮池引買寨水盈池
而東海會高都水入伊

南陽府

南召縣儒學雍正十三年知縣楊嗣清修

大成殿戟門乾隆四年知縣朱禮陶重修櫺星門泮池
明倫堂傳道齋授業齋

崇聖祠及文昌祠各宦鄉賢等祠七年知縣諸齊賢修
圍牆照壁八年知縣包桂修禮門義路

唐縣儒學乾隆三十年知縣宋梅重修

桐柏縣儒學乾隆九年知縣劉元亨建各宦祠十八
年知縣鞏敬緒遷奎星樓於金臺觀之巽地

鄧州儒學雍正十二年知州杜邁文重修

大成殿乾隆十四年知州劉日章修

崇聖祠於殿後改敬一亭於各宦祠而又修建學正

導署

新野縣儒學乾隆二年知縣陳德重修十九年知縣徐金位重建奎樓修鐘鼓樓二十八年知縣方鳴球捐修照壁泮池

裕州儒學乾隆二年知州宋立重修

舞陽縣儒學雍正十二年知縣繆集重修

汝甯府

確山縣儒學乾隆九年知縣周之瑚增修

大成殿東西兩廡葺文昌閣魁星樓

羅山縣儒學乾隆十二年知縣葛荃倡捐修建

大成殿及東西兩廡餘於十二年相繼重葺十三年捐

緜河南通志 卷之二十九
募新建文昌祠魁星樓

陳州府

陳州府儒學乾隆元年知府金山知縣潘廷偉教官
賀纘及紳士捐修九年十年知縣宋士莊修文昌節
孝祠十七年添設府訓導署十八年紳士捐修東廡
十九年修

大成殿

金山重修儒學碑記

古者有庠序學校之名而今一歸於學顧由漢以來惟大學耳

唐有天下始詔諸道州縣並置學至宋景佑中藩鎮立學寶元中大郡立學慶厯中諸路州無不立學然猶曰州士滿百人乃得立焉故其間興廢不一及洪武中既建國子監令天下府州縣皆立學用是三百年來號稱極盛我

朝鼎興尊崇

先聖視前代有加
今上御極之二年
詔於京師大成殿

更設原與國學相表裏
親臨袒割學之饗射禮聚諸生園橋問道示之於古
之盛而鄉學之中亦當新賢舍潔庭宇修飭車服
器陳鐘鼓管絃於前俾文學之士得以考課肄業而
願任宮墻之圯聽梁木之壞一如秦人視越人之肥
瘠也其可乎陳昔於治爲州雍正十有二年始改郡
余方量移二千石來守是邦既視事卽舉行釋菜禮
禮畢周視殿廡牛皆頭落亟准兩博詢其闕狀胥曰
前守黃公議撤舊而更新之邑子衿各捐助有善意
願工鉅費縮不克勝在幸公之來庶藉手以告厥成
余曰學宮之新非第有所依而已宋李觀不嘗言
之乎大懼人材放失而儒學澗疎也余承乏守土敢
不率先以爲倡爰助銀比材而准令潘君廷偉亦踴
捐於後諸紳士復相勸勉計聚錢幾千緡興修有日
矣會潘令以事罷去署篆者爲許昌別駕程公公益
傾橐金以飲不難始克竣事仕者起藩書續勸餼者
以新煥乎屹若較昔增崇經始於丙辰之春落成於
丁巳之夏凡閱歲餘云工竣諸君因前請於余曰廟
之興旣惠徵令一言茲可無一言以垂不朽余退謝

書可
有通志
卷之三
九
學校志
學宮

曰是役也匪余一言是私繫
天子明命是奉臺使者德意是承而一二三子實並圖利之
今者我

皇上升中禮成慶施中外廣士類以登人材而吾陳適會

文廟修復之初是

先聖之大啟佑也多士其交勉之雖然李觀之訓袁氏又
曰爾由庠序踐古人之路則談禮樂以陶吾民是惟
朝家教學之意若其弄筆墨以徼利達當亦二三子
之羞觀之言切而有本余尤願諸生之勉之因書此
以勸諸石他若某某董事之勤與捐贊之功均不可
沒並得鐫姓名於碑之陰

淮甯縣儒學卽府學雍正十二年改府設縣學宮仍
舊乾隆十七年知縣馮奕宿添設縣教諭署

太康縣儒學雍正十三年知縣吳本涵改建文昌閣

南向重修魁星樓及節孝祠乾隆十年知縣宋士莊

修節孝祠二十四年知縣武昌國重修文昌閣改爲

西向增高魁星樓三丈餘移忠義祠於明倫堂東而遷烈女於此祠二十七年並遷節孝於此祠內

扶溝縣儒學雍正十一年知縣周鈺改明倫堂爲

崇聖祠以

崇聖祠爲忠義祠而改忠義祠爲明倫堂乾隆十三年知縣馬伯輅修建兩廡二十七年知縣董豐垣重建大成殿明倫堂並修

崇聖忠義名宦鄉賢等祠及兩廡櫺星門戟門魁星樓泮池宮墻

秦百里重修儒學記

郡縣之有學卽周禮論秀於鄉之遺意也三代以來名臣大儒

立功於當世者無不預養之於郡縣之中使之強學以待問忠信以待舉力行以待取又以時執豆籩謹

齋厨登降拜跪習禮其中然後有以歛束其精神而感發其志氣是故縣之學宮固亦爲賢父母者所以周旋趨蹌憑藉靈爽以教誨其邑之子弟者也扶溝學在縣治之東南始於元延祐三年迄崇正末天下擾攘兵燹之消磨者殆盡我

朝啟運濡澍湛澤首重文教涖斯土者漸次修復規模儼然比年以來風雨鳥鼠之災又已垣傾級圯棟落椽搖矣蓋緣前此理其事者務求速就土木之需弗圖堅好是以歷時未久而遂至於摧敗零落爲可歎也辛巳歲余同年董君豐垣蒞任茲土拜謁之下懼無以妥靈爽而聳觀瞻首捐廉俸庀材鳩工邑之人土靡不協從迺令教諭毛宣恒訓導李三德日董其事椽稅必堅瓦以良自

大成殿明倫堂以及兩廡之外戟門之內其間

崇聖名宦鄉賢節義之祠皆葺而新之致齋有所供庖自次飾以丹雘繚以周垣鱗如翼如拭如采如莫不整齊工既竣將伐穹窿之石徵文永之而來請於余余奉

天子

命視學中州日夜甬皇竊懼無以宣教化而端士習

今觀董君所爲若此誠知爲政之本而平日之教化於其邑者亦可知矣蓋聖人之道嘗譬之於登山觀海今與人日言山水人未必樂之與之陟秦岱之

崇高臨江湖之浩淼彼方且心目彷徨延頸四望恍然不知其情之移也聖人之道大而能博日耳提面命而人未必聽之與之升殿庭觀其聳濯靚深美富森列彼必屏息斂容惟恐稍越恍然不知其志之肅也若是者何也因其情以導之而教易行也自今以始董君且率其邑之子弟於月朔望肅衣冠再拜稽首講孝弟說仁義而其子弟之從事於斯者瞻望車服禮器莫不順愛其父母而樂受其教誨修身砥行期於有成務其實無悅其華修其內無慕乎外若弓之調而求勁若馬之服而求良則庶乎與古名臣大儒後先相望而無愧於登聖門之堂矣是固賢父母之意而亦余之所日夜斷望於邑之人士者也爰爲記之

西華縣儒學雍正十年知縣劉焜清出侵佔舊址七弓二尺南北廣狹準此是年紳士捐修魁星樓乾隆八年教諭李南移建

崇聖名宦鄉賢各祠於櫺星門東西十年知縣介錫齡

倡捐修學宮十八年知縣宋恂復修補傾圮處

商水縣儒學雍正十年邑人候選知州李震普重修

明倫堂

項城縣儒學雍正十二年知縣劉倬重修建

劉倬重修學宮記

孔聖

德冠百王道隆萬禩世之讀其書被其澤者自淑淑

人開來繼往何廣且大也是故上自帝王下逮士庶

莫不師尊之景行之煥宮墻光俎豆春秋饗祀賓介

蕭雍其典始自成均而遍及乎遐陬郡邑以此黼黻

治平倡導風化猗歟休哉倬於雍正甲寅夏季奉檄

來項首謁學宮仰視殿宇摧危凡兩廡垣橋俱敗壞

傾頽煢然在目詢之多士云自康熙二十年間邑宰

顧芳宗修葺以來自今垂五十年因循苟簡無能舉而

今天

子右文重道車書明備禮樂光昌項子故都又人文

淵藪倬以意東下士忝列科名臨蒞茲土乃觀雍宮

泮水淪落於荒烟蔓草伊誰之責歟亟謀諸教諭王君夢賚訓導張君湛估計磚瓦木植及工食等用不下千金爰捐薄俸并勸闔邑紳士屢勉築輸共成盛舉週歲中鳩工並作凡殿廡前後莫不燦然一新計費八百餘金歷次年冬始告厥成其間經營而贊襄之者在籍縉紳閭聖言石崑石疑祥高攀龍等均有力焉俶因之有感矣士子讀書稽古弋取功畜凡叨一命之榮能飭廉隅而篤治體者不外聖人之教是役也謂非風俗之樞機教化之源本哉觀感之下得勿有子與子言孝弟與弟言悌家敦修者人樂橫經者乎將見人文蔚興賢才輩出於都人士有厚望焉至明倫堂及兩學博私廡適俶以奉旨入都匆匆未獲整理不無餘憾尚賴後之君子增修而續成之是爲記

沈邱縣儒學雍正十二年知縣諸齊賢重修

大成殿是年教諭魯之璠捐修學署始穿井創立學圃

訓導劉羣集捐修學署十三年紳士捐建學庫乾隆

三年知縣王郁文重修櫺星門八年復修

大成殿十年知縣馮澎倡捐重修明倫堂

汝州

汝州儒學舊在城隍廟右明天啟時遷州西北隅舊
學草萊污穢半淪坎窞乾隆六年紳士卽故址捐資
修建

聖殿五楹七年知縣宋名立學正孫鉞重修東西齋房
及學正訓導宅

魯山縣儒學乾隆七年知縣王肇基十九年知縣張
師良相繼修

大成殿三十年知縣陳鳴陽修前後殿廡門墻

陳鳴陽重修文廟前記

癸未之春余承乏茲邑已抵任後恭謁

文廟時 大成殿重修甫畢丹雘未施週視兩廡戟門櫺星門等

皆土木疲憊不可撐支泮池亦淤塞無涯浹余惕然

恐懼詢之兩學師暨多士乃知廟經歲久一切當新

始建議設策者為前令中衛敬菴王公時經始於

大成殿郭善制而高之將以循次增飾為茲邑成巍煥

之觀役甫興而謂任南陽去時乾隆十七年也嗣是

人事參錯糾紛紛紜至十九年而長洲宏受張公來

乃因其規模經營督理而 大成殿始成諸役尚未有以興也而以引年致仕又去

余益惕然恐懼不敢違寧乃首捐俸金鳩工飭材冀

成兩公未竟之業而邑紳士亦惜其久而少成也於

是各効輸將唯恐或後然後廟中規模稍復其舊歲

時致祭乃始有可以觀瞻者矣嗟乎一廟之役凡更

數年之久成之者歷二三人之手天下事成敗遲速

各有其時未始不如斯顛以 國家尊崇

先師之至意儒生習禮肄樂景行仰止之區寢歷歲月不

獲復其整齊嚴肅之舊即王張兩公身御其事亦必

有歉然不安於衷者此固余之所惕然恐懼不敢違

寧者也雖然事莫有為之先則其後苦於無所藉而

成之也恒難然則余所以得與多士粗就此工以稍
釋夙夜中之惶懼者不可謂非前此經營措置有以
賜之援手合其觀成易易也則前人之功又可以沒
沒乎哉於是參稽舊簿綜其勞費之實爲之勸諸石

陳鳴陽重修儒學後記

余繼前令王張兩公之後承修
廟懼執事之不虔致前功之或棄於是慎選材能嚴
程工役而諸紳士義有同心相與輸金服勞惟恐或
後始於甲申之冬終於丙戌之春然後殿廡門墻粲
然粗具雖未極致輝煌較數年來風雨黧澹之象亦
庶幾其一新云春丁日余偕多士致祭躋躡左右登
降出入旣備旣戒幸告無愆已乃集多士於明倫堂
而告之曰茲役也微藉前人之基不及此微二三子
共襄乃力不及此茲幸得稍新其舊異時救衰補弊
踵事增華賴有人焉不可忘也願與二三子勉之然
吾聞學聖人之道者日新而不失大學自明其德以
明明德於天下所以偕一世之人捨其舊而圖其新
歷古今千百年帝王師儒更相傳述其道大備學者
服膺聖人莫不童而習之顧乃悠悠因循不克自拔
流俗中卽一二才智之士研思殫力不過工文詞取
科舉馳騁於功利之場的然日亡而已求所謂於自

新新民之道審端用以止于至善者士林中不少
槩見嗚呼其亦足慨已魯邑地僻民淳士風近古
然醇謹篤實之意多勵發皇之氣少誠能淬勵與
垂實於身心性合致之功極新之量而不敢視為
迂濶無用之常談將日明體達用光輝日新聖賢之
徒世道賴之矣然則之所期於二三子者寧唯是
餘輪奐勸駿奔徒以觀瞻而已哉是為記

知縣儒學乾隆七年知縣張楣修進德修業二齋八

年知縣劉蓋創建文且閣在學宮外東南隅城上

寶豐縣儒學雍正十二年知縣唐永彰撤新明倫堂

乾隆元年重修櫺星門戟門七年知縣馬格移修照

壁北近泮池八年重修戟門東西廡神位及名宦鄉

賢祠

伊陽縣儒學雍正十一年知縣俞名言重修魁星樓

十三年呂大抱捐修櫺星門乾隆十五年知縣王士
綜修

大成殿改建明倫堂二十四年知縣韓超羣重修敬一
亭三十年知縣李章培捐修東楹

許州

許州儒學乾隆三年知府車思恭重修明倫堂

臨潁縣儒學雍正十年知縣賈澤漢重修十三年至
乾隆二年教諭趙上玉陸重修九年十年知縣劉
沆捐修殿東爲

崇聖祠殿西爲名宦鄉賢祠

鄆城縣儒學乾隆四年知縣土瀛重修明倫堂五年

教諭荆鵬展重修教諭宅十年知縣趙作霖移建鄉賢祠於戟門外

長葛縣儒學乾隆元年知縣許蓮峰改建名宦鄉賢祠於戟門前別建奎樓於魁星樓西四年倡捐重修殿廡垣墻十年知縣阮景咸相度形勢進陞七丈建殿宇於坡上十一年重修文昌閣

阮景咸重修儒學碑記

今

國家教化百年文治翔洽上目京師下迄直省郡縣靡不於奉聖之地矢厥虔肅務使規模闕敝用昭尊崇至意今

上在極之三年戊午春傳

制車駕詣太學親釋奠命儒臣坐講時則廟易黃瓦并懸御製匾聯儀至肅典至隆也予不敏於乾隆癸亥年奉命來豫九年甲子夏視事茲品練日謂

先師廟見夫址居湫隘心竊懼焉諦觀之四面地勢高聳廟中多漏漬痕又梁棟椽桷之材漸朽詢諸同官並云屢議重修以財用匱乏莫有毅然任其事者遂遷延歲月而今且將就圯矣時卽酌議倡捐共圖斯舉以方諸帑修築縣城未遑從事而中心竇不敢一刻忘也周歲城工將竣又急議修葺適奉藩憲趙公檄以學校爲興賢育才之地宜先經理則斯舉也詎可緩歟稽邑乘學宮舊在縣治東北遷於縣治東門內者前明嘉靖十四年也移建縣治東卽今所在者國朝康熙十二年前令米君漢雯也至因殿宇低暗加礎使高尺許則自康熙二十五年前令何君鼎如於今又六十年矣遂與同官竭力倡捐邑之薦紳諸生暨耆民莫不雲集響應歡騰樂輸計銀千有六百餘兩於是稽出納有人又採辦物材董率匠役各有人其朝夕省視久而弗懈者司論胡君本立司訓傅君焯縣尉陳君豐也肇於乾隆十年乙丑季夏訖工於十一年丙寅仲秋舊址北移七丈許進於坡岡之上其宇高大深邃舊制七八尺戶牖階庑靡不備具茲第丹雘以示一新并用黃瓦傲京師廟制焉予與同官偕邑諸生拜謁階下仰瞻廟貌高敞麗煥然改觀爰進邑生告之曰予嘗誦歸太僕作重修闕里廟記以聖人者不徒事於其外而取

子游所聞君子學道愛人小人學道易使與告顏淵克已復禮之說反覆著於篇再考睢州湯大司空後建廟學記亦以諸生所以爲學者當求進於古人之道大旨謂學望在於存心以全天所與我之理其言可與太僕互相發明今長邑學者知虔奉聖人矣抑於人文蔚起仰答

聖天子

崇儒重道之意以慰大憲宣化之心則予所厚望

也巳是爲記

陝州

陝州儒學乾隆五年署州事戈錦重修九年分巡道張學林創建尊經閣於殿後十一年知州龔崧林完葺明倫堂儀門櫺星門又剏構興賢育才兩齋甃泮池引渠水自東南注

閩鄉縣儒學乾隆九年訓導楊詵重建奎光閣

盧氏縣儒學雍正九年知縣韋文質創建聖域賢關
門樓二座

光州

光州儒學雍正十一年知州高士鎰學正李士諤增
修殿廡並

崇聖祠乾隆十七年知州謝錕擴明倫堂舊址改建五
楹十八年知州吳一嵩重建

大成殿並擴兩廡舊址增修戟門移建

崇聖祠於

大成殿後改建名宦鄉賢祠於戟門左右二十二年二
十四年捐俸建修學正及訓導署

商城縣儒學乾隆十一年知縣王孫重修

書院社學附

開封府

祥符縣

大梁書院乾隆二年巡撫尹會一祀河南先賢於講
堂宋程頤程頤邵雍呂希哲尹焞謝良佐張繹劉絢
李籲宋光庭邵伯溫孟厚程迥元許衡姚樞姚燧明
曹端薛瑄顧禹錫王鴻儒許誥何塘崔銑李承恩王
尚綱尤時熙魯邦彥孟化鯉呂坤楊東明楊濶徐養
相玉以悟張信民賀仲軾呂維祺劉理順王慕祥

國朝孫竒逢湯斌耿介張沐竇克勤張伯行冉覲祖凡

四十五人四年巡撫雅爾圖再行釐正祀典遷段于木以下四十二人神位於桂香祠有碑記十五年院長桑調元捐資建奎文閣有記二十七年重修奎文閣院長陳結有記並具藝文

陳留縣

志伊書院在縣治東乾隆十五年知縣許勉燦建

杞縣

志學書院乾隆十八年知縣潘思光建先是順治十六年知縣吳守家奉院檄發金置田構書院三楹於尊經閣敬一亭遺址旋即圯康熙五十九年知縣甯佑重建於玉泉街乾隆二年知縣王履仁改爲廣

濟堂而書院遂廢至是思堯倡捐購侯氏舊宅而更

新之額以今名

桑調元新建志學書院記書院為貳賢地泮壁之區

業有恒觀摩熟而成材易莫書院若也祀之有書院

皇朝

順治末吳令守家卽尊經閣敬一亭遺址創為之康

輒移之學左寄之古寺而書院失其故所昨歲壬申

安溪潘君調茲邑慨然其興起人文捐俸為倡購巨

宅新其規置書院以成榜其門曰志學門內齋厨左

右列人重門講堂窠如東西齋顏以希聖紹賢又進

為樂道堂兩廡各有學舍堂之後為園築養心亭於

其北清池演漾芙蕖卷舒足以發吟風弄月之趣羅

四庫書室之二兩齋延明師選英雋資以膏水遜志
敬業魚魚登雅絃誦清鏘禮儀肅共時臨講席風聲
遠馳墜典畢舉乃屬余為之記予瞻君之以志學獨
之名俾士踴乎是而不苟於利祿也祀故為伊尹所
進之賢聖者舍是無所置其力伊志洪大顏學精養

則於已志之疎而其道不足一以推而通其要一仁盡
之聖則安賢不違卽令名不失亦必於是求之士一
其心而不雜乎他則作爲文以發明精蘊非華靡之
梯媒時乎得志決不肯以身家榮肥頓喪其生平誠
如是大道之光昌有日矣豈特區區科名接踵訖人
文之盛乎哉君之志學夙有六平源故立教以此爲始
闡其義而書之石君名
思光字涵亭戊辰進士

通許縣

咸平書院乾隆二十一年知縣吳昌國重建

鄆陵縣

文清書院在縣東關外舊名龍岡乾隆十年建二十
七年知縣陳子檜增修改今名

陽武縣

正誦書院在文昌閣後雍正十三年知縣宋惟孜建

鄭州

貢院在州治東雍正二年陞州爲直隸知州高文愷
申詳 題請考試本州及滎澤滎陽河陰汜水五處
生童捐資公建十三年州改屬府生童仍留棚考試
乾隆七年知府朱繡詳併禹州密縣新鄭三處共八
州縣合棚考試

滎澤縣

人龍書院乾隆四年知縣張翹撥給城濠地九十五
畝七年知縣劉蓋撥給滎武四邊灘地十四頃旋即
塌去存七頃十年知縣崔淇撥給官兵堡西南地二
頃歲收租入以資書院膏火

榮陽縣

沐源書院在五桂街乾隆十年知縣李煦重修

汜水縣

振雅書院在東門外

三山書院在城內乾隆八年知縣許勉燉建

禹州

丹山書院乾隆九年知州邵大業修葺

育賢書院在禮臨里乾隆五年知州章琦建

密縣

檜陽書院乾隆二十四年者縣宋豐綏重修添建後

坐正廂房九楹

新鄭縣

茨山書院乾隆十一年知縣陸烈重建以四鄉義學地四頃零撥入

歸德府

寧陵縣

寧城書院在縣治東乾隆七年知縣梁景程倡捐興建講堂及諸房宇二十年知縣王世仕修建

鹿邑縣

鳴鹿書院在縣治東乾隆十九年知縣馬榮祖重修有義田五頃

彰德府

安陽縣

書錦書院卽古書錦堂在府城內乾隆五年知府李渭建立書院

臨漳縣

古鄴書院在縣治東雍正八年知縣陳大玠建

武安縣

紫金書院乾隆二十三年知縣張映台重建

內黃縣

求謙書院在縣治東南雍正十二年知縣陳錫輅就
蘧公祠擴建總督王士俊題額

衛輝府

汲縣

崇本書院向各源泉在朝陽寺與無量菴等處後易
今各改置糧廳舊署東偏乾隆十九年知府王祖晉
知縣徐汝瓚率紳士捐修撤舊爲新並置齋房十八
間於講堂東

新鄉縣

鄴南書院在城東南隅雍正元年知縣吳元錦建日
久廢墜乾隆五年知縣趙開元重爲振興贖產建房
九年復捐金拓地增建一十二間

趙開元增修鄴南書院記

土習之下究也爲風俗而
其上章也爲治績人才之

養不可以不豫故古者造士之法最爲詳慎今之學
宮緣古而喪其真者也今之書院變古而不失其正

者也書院之名始於唐而其作人也盛於宋然亦二三大儒各就其所至之地教育一方而非天下之通例觀胡瑗以蘇湖二州教授入爲太學一時名臣碩士往往出其中降及南渡李綱罷相而太學生歐陽澈陳東共起而力爭之雖死不避則宋之人才猶多出於學宮不徒恃書院也後世而變矣郡縣學僅以廟祀聖人而並無庠舍學者各散處於言龐事雜之場以擾亂其耳目心志者實多釋菜之名存而造士之實亡畧無補於人才故其勢不得不盡天下州縣別置作人之所以聚其渙我

聖祖仁

皇帝上下古今之變特命各省並建書院其具既設而所以誘掖激勵漸摩而成就之者又復詳而有法使并此而怠玩之則土習益偷而不可救藥下既無以振頹風而上即無以待朝廷之用然則書院有興廢而人才之升降因之人才有升降而風俗之醇疵與治績之隆替由之豈可謂天下之小故也守令受天子方面之寄而不加意於是則雖百廢具興皆苟道而已余自庚申來吏於斯首欲爲

朝廷作人訊知故有鄜城書院雍正九年建迄今不二十年而室既就頽田亦易主廢興之故必有任其貴者矣余既損資贖其田復創建大門及東西耳房增繕西齋庠舍遂卽此以課士然來者漸衆將不能容

近聖書院在西廡後訓導宅門南

淇縣

書院一所乾隆十九年士民公捐修蓋

濬縣

黎陽書院在城西南五十里舊爲巡司廢署乾隆六年知縣鮑志周卽舊址建書院

懷慶府

河內縣

懷仁書院乾隆二十六年被水冲壞知府沈榮昌重修

温縣

卜里書院乾隆二十年知縣王其華創建

河南府

洛陽縣

周南書院乾隆六年署府本光型署縣朱續志添設齋房六所各三楹

中山書院在縣東北隅縣署西南

黃鐘書院在縣東南路掘山村

洛浦書院在縣東南路白家墳

伊川書院在縣正南路李家寨

龍門書院同上

以上五所乾隆八年知縣龔崧林續設

偃師縣

二程書院在縣治東乾隆八年知縣朱續志捐修二十六年水冲無存三十年知縣王垂絡及紳士等捐

續河南通志
卷之三十一
三

賞重建

王垂絡重修二程書院記

優師縣治之東舊有屋二楹名二程書院蓋中

祀二程子故云乾隆二十六年春邑大水民居多就
圯而書院亦廢歲癸未垂絡承乏是邦下車謁二程
子祠墻頽瓦落鞠爲茂艸祗徇者久之考書院之興
肇自明萬歷間邑令呂公純如拔學之秀者聚處其
中爲講學之所且置田二頃以資膏火厥後雖屢廢
屢修而呂公之澤不替越明平垂絡始捐廉俸爲邑
人倡一時邑之縉紳先生暨戊才博士興作恐後相
率輪將於是申之大府僉曰可不數月而觀成輪奐
斯崇丹雘交映屋之楹爲數七十有六仍奉二程子
於中楹而增祀邑儒朱公挾兀庭劉質夫絢李端伯
籲三先生配之其餘爲學舍而講堂悉如舊制而擴
充之然後呂公之澤復大著既落成衆請泐諸石垂
絡不敏取以修葺增祀之意哈爲邑人陳之夫學之
興也必有所自始而學之盛也必多所繼起當二程
子講學於伊洛也從游者多八下奇士而邑之三先
生咸萃門下又翹然拔起於習書之上能自得師公
挾之抄語錄質夫之述師訓抑伯之傳師說其書與
在皆足闡孔孟未發之蘊二程子之學至今昭然若

揭者則三先生繼述之功爲不可泯考三先生生平公揆立朝多直聲胡安國嘗以奮不顧身盡忠詞議稱之正公稱其篤學力行王於沒齒志不渝於金石行可質於神明而惜其早逝質夫髫齡就學純公語人曰他人敏則敏矣然未易保也斯人之志吾無疑焉正公亦云質夫沛然又云明道平和簡易惟劉綸庶幾近之端伯資識穎悟朋次閱肆嘗記師語爲一編朱子愛其書謂籟所造尤深所得尤粹云夫地有賢者則表而出之使夫遠近之至斯者論其世考其人而感發興起之志油然而生况聖學淵源接續有如三先生者乎使今世之士盡得如三先生以二程子爲之師則處有守出有爲爲洙泗之英可以復見今卽不得如二程子以爲師苟能卽三先生所傳述之書以求性學之微體用兼脩之道亦足以佐聖朝治化之隆者矣是則廣二程子之俎豆者非僅以美觀瞻申報享也凡以淑人心而崇實學也從祀三先生者非僅尊鄉賢敬桑梓也凡以傳先聖而開後學也故祀二程子則聖學明附三先生從祀於二程子之祠則聖學益明豈非祀典之盛事哉且爾諸生今日優游

盛世彬彬爾雅者實出我
朝棧樸菁莪之化而溯厥淵源其私淑亦已久矣諸生

於課讀暇登斯堂也仰二程子之流風思三先生之好學一堂師友靈爽式憑百世而下穆然如坐春風中又何異三先生之親炙門墻者乎至二程子倡明道學上接孔孟千載之傳祀已遍於學宮可無俟於余言而特著其所以授學之指使學者知所從事而用自循省焉景風烈修遺言不猶鎡基在前堂構在後乎聞風興起以傳絕學是則垂絡與呂公修建之志而卽二程子之志也夫是役也某某之力居多焉

書

例得

西毫書院在西郭乾隆八年知縣朱續志捐俸建

聳縣

蓮山書院在縣東七里舖

見山書院在縣西石關村

石河書院在縣西石河道

仙舟書院在縣西廻郭鎮

以上四所雍正十三年知縣李璟建

白鹿書院在八陵村監生曹加縉建

見彰善錄

登封縣

嵩陽書院卽太室書院舊址歲久傾圮乾隆四年知縣施奕簪重修二十八年知縣邱峩改建城內東南隅

潁谷書院舊在潁陽城西乾隆八年紳士宋祺王琢等改建街南寺後

澗池縣

韶山書院在縣城內乾隆二十二年知縣蔣廷鏞建

嵩縣

伊川書院在城西北隅舊名樂道乾隆四年知縣戈

錦創建十年知縣余之增修二十一年知縣康基淵

增修裁鳴臯善

康基淵改建伊川書院記錫名樂道不名伊川以

先名伊川於鳴臯鳴臯也先學者遠師孔孟近宗程朱

耕莘樂道其詩遊在伊川先生遷龍門之南定居陸

世宗憲皇帝命自會設書院

頒賜帑金永資膏火我 於治城以勸書院尊特制爲然也克烈士希鎮鳴臯

遷書院於其時則今專治高都城則又以爲非制

伊川者爲人士無不專治高都城則又以爲非制

非徒美書院以名也胡康侯之言曰先生之文於易

則自理以明象而知體與少一原於春秋則見諸事

仁之方入德之序先生之行則忠誠動於川里孝弟

顯於家庭辭受取舍非道非道

顧也。朱文公曰：先生際天學以爲學校禮義相先之地，而月使之爭，非教養之道。請改試爲課，鑑解額以去利誘，勵行檢以厚風教。如是者數十條。今學者幸近先生之居，守禮器讀遺書，宜何以誦法也。丙戌夏，乃卽縣城書院增學舍十六間，招致生徒五十餘人，籌給膏火，購經史，并建藏書樓，俾從卽講習。改築道曰伊川，亦大冀遊其中者尊聞行知，而有得於伊川先生之文與行焉。若惟是工文詞，綺藻期捷，獲而已，則又貪利祿而不貪道義，要作貴人而不要作好人者，豈惟負朝廷造士之盛心，抑伊川所棄而書院之在縣城如其在鳴臯也。或曰：鳴臯書院將若何予應之。曰：有社學焉，仍沿其名可矣。

南陽府

南陽縣

宛南書院在城東門外，乾隆十六年知府莊有信創建。

莊有信創建宛南書院碑記書院之設所以佐臚庠之所不逮招俊彥聘明

師講習其中校文而飭行上以廣

聖天子

養育人才之化下以鼓儒生藏修遊息之功教以

繼養事並亟也余涖南陽竊志於振興人物於東郊

得廢寺一區僅存佛殿兩楹餘傾圮不治寺僧亦百

不存十余遷其佛像及僧於別寺就其基斥其制前

臨涪水後倚獨山繪圖鳩工築垣數仞環之以爲書

院院前僻地列柵左曰禮門右曰義路由大門而入

爲先賢祠次爲總講堂傍各有廂又次爲尊經閣其

後列屋以蕃之左右爲四齋曰敦仁曰集義曰復禮

曰達智齋各有講堂堂之前各有大門儀門後有燕

室有庖厨左右有門東西向以通往來而各有書屋

數十間若軒若廊若曲房若斗室錯落棊置環四講

堂而列焉其東爲射圃亭亭後爲草廬爲池爲橋壘

石爲山東北爲文昌閣東南爲魁星樓西南爲土地

祠度垣外隙地置駐汎以爲禦凡爲講堂者五爲祠

者二爲樓閣者三爲亭者二其地以畝計者十有

餘其屋以間計者三百三十有六以楹計者千以椽

計者萬以瓦石計者千億其未提以經計者亦萬有

餘焉先是余首緡六百金以爲倡而所屬州縣率之

而紳士而離商俱聞風慕義各捐數千百鏹以供

築之用而財不匱日役數千匠厚其傭力之值而工
不病採木石於他州邪許之聲載道豐其輦運之資
而役不困牒移別駕稽其出納之管而察之也詳舉
紳士之廉能者八人司其支給之數而散之也均委
廣文五員佐襍五員或董其程而督之也勤或度其
材而擇之也精十月興工歲畢而工竣統號之曰宛
南書院豫大省也南陽大郡也昔有嵩陽書院居四
大書院之一而南陽與之接壤余考朱子鵞湖書院
亦建以廢寺竊不自揆師其遺意爲之書院旣成可
容諸生三百人繪魁文二星辰於樓閣則天文可象
設周程張朱武鄉侯諸葛公昌黎伯韓公諸神位於
先賢祠則人文可師繪名儒王公莊公之容貌衣冠
於土地祠則鄉先生可祀於社購經史子集諸書籍
於尊經閣則可以稽古設鵠的於射圃亭則可以觀
德中設總講堂令諸生會文於此而旁設四講堂爲
掌教之所日校而月課之則師嚴道尊而上無危襍
至於修脯之貲甕箠之費牲牢錫鼎之供奔走掃除
之役及床庀几閣瓢壘匣桁之具罔不畢備於以攻
書史講道義志不紛而學業成進可爲天下國家之
用退亦不失爲一鄉之善士理學明而英才盛少補
聖世文明之治其庶幾焉爰書興建之歲月與官吏紳
民捐貲之姓字勒之石以垂永久庶使後之人有考

云爾

唐縣

崇實書院乾隆二十三年知縣宋梅創建

桐栢縣

藜野書院在東門內街乾隆七年知縣翁運標建

鄧州

臨湍書院康熙二十一年知州楊威盛重建乾隆十八年知州蔣光祖重修

金山書院在大東關街北舊係社學乾隆三年知州李治國重修增建五年知州馬趨改今名

春風書院在范文正公祠東乾隆八年知州馬趨創

建

新野縣

白水書院乾隆九年知縣董榕張昌蕃相繼重修講堂大門十八年知縣徐金位補修大殿十年知縣張昌蕃增置膏火

浙川縣

文興書院在縣城東北隅乾隆四年知縣李林建昆陽書院舊在縣南三十里乾隆二十一年知縣紀黃中改建城內東北隅

舞陽縣

鴻文書院在城內舊縣治雍正九年知縣劉蘅植創

建

劉薊植創建鴻文書院記

其人才之用也關乎治化而

周造土地官掌邦教小司徒贊之考其德藝簡其不

率下至閭胥黨正比長鄗人皆得操觚捷之令故爾

時學者自離經辨志馴致乎知類通達強立不返之

域而其材於是乎成材成矣然後升之司馬詔諸瞽

宗量能授事罔不欽乃攸司以佐乃辟一時之治化

無競焉人第見先王之世莪蒿棫茂鳳鳴梧生以爲

氣運之隆適爾詎知其長養成就之者固涵濡於百

年之久哉我

國家崇道右文伊古未有重熙累洽久道化成故光天

之下至於海隅日出罔不率俾且四門宏闢剔抉搜

羅絲粟尺寸之材咸得自效西京鐘鼓雲漢作人豈

足方斯而舞陽爲中州名區河嶽鍾秀夙號多賢又

地近畿輔就日瞻雲觀感尤易宜乎哲士挺生後先

暉映矣顧未聞有醇儒碩士發而薄耶抑吏茲土者務

熙朝者豈川生嶽降之氣一發而薄耶抑吏茲土者務

於刀筆筐篋罔知大體有如賈生之所訶也何其合

竟異於古所云也按邑城南故有舞泉書院嘉靖中

任侯緯柱者之所建後燬於寇寢尋廢墜以至於今

垂二百年徒見寒松古栢滅沒蒼涼敗瓦頽垣斷碑
風雨蓋絃歌之寂寥久矣戊申夏余恭鷹

簡命

來滋茲邑大懼人才放失罔克承宣雅化因商諸司

鐸郭侯二公闔邑紳士謀以舊治廢址創書院以育

羣才議既克協爰上其事於各憲亦咸報曰可遂捐

清俸鳩工首事邑人士踴躍助修焉於是建講堂一

楹顏曰聚魁後廳一楹顏曰敬業東西書屋十舍左

曰治經之齋右曰明務之齋其前門則鴻文書院之

額在焉復周以長垣蒔以槐柳塏爽幽邃曠與胥宜

南山列屏蒼翠欲滴藏修游息之具於是焉在工既

訖功乃禮聘名進士孟津王先生使主西席由是佔

嗶之士挾策盈庭伐鼓陳書絃歌彬彬雅二百年來復

觀其盛茲非舞邑之幸與抑余尤有告焉夫聖人之

所謂學豈第藝焉之謂其謂忠信立誠以爲進修之

本而涵泳就將要諸歸宿之地由此蘊爲德行顯爲

事業胥是物也今幸人奮其學士服其教行見諸君

子經明行修蔚爲國華固可操券得然文采勝則實

意寢微功苦久則媮惰漸生苟其高明之士負厥才

華以浮薄相尚佻達爲工將奇衰固屬可虞沉潛者

又不免望洋驚自崖返不克深造於大成之域或勤

焉或怠焉二者交譏其於教學之意不大相刺謬乎

繼自今靳爾多士講求於心性之精剴切乎忠孝之

旨毋飾虛車勿安凡近明體達用有守有爲以庶幾
於莪菁越茂鳳鳴梧生之隆以旃副
朝廷崇道右文搜羅剔抉之盛心則處爲醇儒出爲名
臣不惟諸君子於昔賢有光余亦得藉手報
聖世矣於是乎
記之以志慶

汝甯府

正陽縣

正陽書院在學宮側乾隆六年知縣李天虛創建

信陽州

璦璉書院舊止田稞二十三石零地租錢四千零乾
隆七年知州馮原撥收五里店加增田稞十二石地
租錢二千三百零

遂平縣

吳房書院在南關外沙河北岸乾隆二十二年知縣

金忠濟因舊義學基址於東偏擴地一區倡捐重修

曹繩柱重建吳房書院碑記

載察遂邑水患由石洋河之

帑興修廓堤圩數十里水無壅道歲大有秋其養民者

厚矣邑舊有吳房書院在縣城南里許日久傾圮肄

業無人顧而覽者見頽然廢址而已於是金令出俸

廉建之邑紳士知令之善教也釀金助焉講堂學舍

煥然一新師生傳習業有興也之感又闢院左隙地

一區建奎星閣於東南以像之明閣後為堂一為亭

者三為舫廊一為池二綴以林岵呀之石植以桂杏之

木曲檻綠垣朱魚綠芟引入八勝非直為遊觀也令

以帖括課士而諸生尋行數里求一標新領異者殊

不易得亦其胸次眼界拘囿七力隅耳昌黎有言當其

取於心而注於手也惟陳言之務去憂憂乎其難哉

况其下車者乎金令以名家子少年登第為文章清
新典雅傳頌海內初試令宰邑以養民為亟又以其
所得者教士而以是誘之諸生誦讀之暇游泳其間

覽山川之勝卽景物之宜助茲不思發清機正復不淺
吾聞君子之爲學也藏焉修焉息焉遊焉遂邑人文
從此懷新而振靡乎徹金令之善教不及此書院舊
堂曰孫業前蔡令秉公題予題新堂曰善教以表金
令教士之義如此其亭曰桐窗蕉兩曰得月曰豁然
皆金令自書題額是役也金令倡之邑紳士戒之董
事者則元和曹生治也金令一
任汝陽矣恐泯其志爲之記

陳州府

淮寧縣

絃歌書院在絃歌臺後初爲思魯書院乾隆五年知
府金山更今名倡率各官及紳士捐置義田以資膏
火

金山絃歌書院碑記

書院之設造土也陳郡治焉
其一隸書卦臺無誦講之堂無

休息之舍師弟子相與於棲神一字朝聚而暮散矣
其一隸絃歌臺臺之後樓五楹廊左右三楹周垣屬

於臺門如異宮額曰思魯地有餘閑列以卉木花發
生意鳥說天機每一過之令八憶鳴昔讀書時未易
得此也而師徒朝暮亦復落浴晨星其故安在夫古
人造士慮龐雜而處之間燕肅直卦臺者久矣尸祝居
之勢固不得與之爭聚而肄業其時少散而見外物
其時多處非其所良無足怪若絃歌臺則既幽敞而
專矣語云石工居肆以成其事今士人爲學會不風
兩明晦於事事之地學業其焉成雖然有可居而弗
恒厥屏荒嬉毀隨學人之責也授之居而不盡所居
具文故事亦長人者之責也爰分俸先屬而都闔趙
君助焉紳士輸焉得金六百有奇結屋二十餘楹於
樓廡卉木之隙鳩庀工材高氏驍孟氏調有力焉一
增前所未有經冊具几席修庖福設俾諸生修歲游
息其中延良師董戒朝夕用底厥厥成則汰其畫卦臺
者並修脯之田歸於一蓋博二廩之名一書院不爲
多崇有造之實一書院不爲少矣易滿齋曰茲歌從
地也亦冀陳人之
學道於魯乎何思

太康縣

興賢書院舊在文廟東乾隆九年知縣宋士莊改建

於西門內曰二賢書院中廢二十五年知縣武昌國
修建仍名興賢書院

扶溝縣

大程書院舊名明道乾隆十二年署令吳溶重修知
縣楊燭改今名十四年知縣馬伯輅捐建立雪講堂
二十年知縣七十一倡捐置膏火

西華縣

衍疇書院建於箕子臺上舊建洪範堂乾隆十二年
知縣吳溶詳請添設書院倡捐師生膏火之費

商水縣

鳳臺書院乾隆九年知縣馮崇璞建

項城縣

書院一所乾隆二十四年知縣梁作文以準提菴舊址捐俸創建

汝州

汝陽書院在州城乾隆六年知州宋名立修建二十五年知州戴廷梅捐修講堂學舍三十年知州張士果重修添建二門樓便門修砌甬道并週築墻垣

郊縣

崇正書院建自前明久廢乾隆二十四年知縣潘思光勸捐修建

伊陽縣

紫羅書院在州城北街舊名汝墳久廢乾隆十三年知縣鄧國藩重建易今名

許州

聚星書院在學舍東乾隆四年知府董思恭創修於舊有堂宇之外增建邵公祠七先生祠及見賢希賢各齋七年知州甄汝舟重築杏壇圍墻

偃城縣

景文書院在縣學舍西乾隆十七年知縣傅豫創建長葛縣

書院一所在城南門內乾隆十二年知縣阮景咸捐修

陝州

召南書院在州城乾隆五年署知州朱永慶申請照
小府之例延師督課

閿鄉縣

湖城書院乾隆十四年知縣侯賜樂建

荆山書院在縣署東街乾隆十九年知縣馬榮祖建
盧氏縣

龍山書院在九龍山麓號公臺乾隆十一年知縣陳
思震創建知州龔崧林有記

光州

弋陽書院在州城北喻家巷武廟後殿乾隆六年護

州事息縣知縣梁觀我建設九年署州事鄭州知州張越創修十一年知州高鑒移設南城水月觀後及東西廊廡二十五年知州吳一嵩倡捐創建於南城北岸

龍門書院在州城北東郊乾隆二十六年知州吳一嵩續置田產數處並立書院額費又因舊地濶遠城市生徒饔飧不便借設南城水月觀廊房

光山縣

涑水書院在縣城久廢乾隆二十四年知縣德貴捐資重建

固始縣

臨淮書院在縣城乾隆十九年知縣楊潮觀建

開封府

社學二區一在朱仙鎮一在陳橋鎮乾隆三年巡撫尹會一建知縣張淑載撥給河灘餘地十一頃

臨德府

虞城義學雍正十一年知縣張元楹因舊址增葺

彰德府

府義學雍正十二年知府潘雲鵬於府學內增設

湯陰義學一在西南門內一在北門內

臨漳義學雍正十年知縣陳大玠始置義田

林縣義學乾隆十九年知縣龔一發捐俸建

內黃義學在楚王鎮乾隆二年知縣李慎建

河南府

宜陽義學高橋楊店黃家窰趙保連莊五所乾隆八年知縣王道成立

登封義學一在大金店邑紳李杰倡捐一在呂店義民趙廷璧捐修一在石道屯生員洪清一捐建一在東關一在西關知縣施奕簪立一在江左河居民設立

沁池義學係舊察院衙署乾隆十年知縣梁易簡捐俸開設

嵩縣社學舊在雞澤祠內乾隆四年知縣戈錦入控

案地二頃零改建文昌祠內十年知縣徐璣併入樂道書院社學遂廢三十年知縣康基淵查聚民間絕業及古廟廢基在冊行徵糧地三十八頃餘分建城鄉三十四所有城鄉學記序並各社學記

康基淵社學記序

古者教民之道詳矣周禮黨正州

長下及比長間胥各掌其鄉之正
是時無一民無養者即無一民無教者所以化人成俗率由於此其養也作之勤除其擾其教也俾民俗安禮誼胥率親睦夫作之勤除其擾而耕鑿之餘相友助則養亦有教矣胥禮以胥親睦而族黨有調恤衰幼得遂常則教即為養矣養以給其欲教以固其氣適本無二施為亦非有後先是故無不足之民而後可以為良民無不良之民而後可以為善國富厚之家克興禮義養之隆也日誦聖賢言而祇服習文藝為希榮于祿之階教之微也是故教以名不若教以實教以文不若教以禮孝之禮順而其文溫清晨昏無方之節詳焉弟之禮敬而其文序立隨行饋饋

之節詳焉循平溫清農昏之節和順而知其為孝循
乎序立隨行之節知敬而知其為弟則教之道得矣
是故教之得民入於肌膚學之染人甚於丹青其上
蔚為人才備為國器其下亦不失於鄉黨愿謹自愛

朝之士嵩邑疊嶂重山疆嶺廣濶經我
休養涵濡百餘年來橫經負耒科第翩翩應童子試
者亦六七百人惟是土田磽瘠西南山境村莊零錯

聯社尤難其或少知向慕就學而師生之修脯飲食
之供用歲費不貲因而廢棄者比比也夫民不贍於

日用而以興仁讓也固難民不興於仁讓而強凌眾
暴冀以保其日用為長久安樂之計亦事勢所不能

者予任事之期年爰為籌建社學三十四所城關學
建城內近城則高都元里莘樂三塗西山之巒峪德

亭太章舊縣湯下潭頭樓關小河南山尤遠之柳林
曰河孫店東村汝河呂屯距縣或一二百里學舍相

距或二三十里北鄉則趙村源頭樊川石碣伊河東
西則溫泉臯南花廟燕王常峪堡南田湖樊村鳴臯

新營莘渠相距各十餘里因其地也每社修脯以二
十金為率其修脯所出轉聚公私絕產廢業共計水

旱坡三則地三十八頃五十七畝零額徵糧銀四十
四兩零夏秋租共銀四十三兩零粟五百九十九千

零取足敷用擇延本序通亮之士尚書講授貧不能

學並因貧廢學者盡萃其中更爲酌定學規俾從事於踐履實學夫日循子弟之禮而詩書之文可通矣日由順敬之實而孝弟之名斯在也由是涵育薰陶人知親親長長安常而得所欲服教而利於行老幼親戚相保愛狂悖而無德之者所以爲教卽所以爲養也若夫侈興學立教之名循之而無其實使士獵虛譽民增浮僞並所爲養而六之者尤爲滋之懼矣其社學基布四鄰一切學舍地畝修膏所出及經理善後事已就地方情形分載各社碑記茲揭其所謂興事之意勒石城社後之作者庶有焉

南陽府

唐縣義學乾隆二十二年知縣宋梅建名曰蒙養

桐栢義學在城內西街乾隆三年知縣翁運標重修

裕州義學一在東關老新街一在西關外乾隆元年

知州宋名立重修加置義田有碑記

汝寧府

信陽州社學一在五里店一在平昌關

陳州府

商水義學在雲路街南極之西雍正八年知縣王業龍捐置十一年知縣牟繩祖倡修講堂及藏書樓乾隆元年知縣張淑載倡捐建大門二門東西齋房各三楹四年邑紳李震普捐修廚房門房及延師膏火資

汝州

魯山義學在賈家集乾隆六年監生陳史起建並置義田一頃

寶豐義學乾隆七年知縣馬格重葺

伊陽義學雍正十三年知縣呂大抱創修

許州

州社學在東關知州甄汝舟設城東鄉四處一張潘
鎮一大王廟一周家店一五女店城西鄉六處一謝
家寺一靈井店一遠村一嘉禾店一靈溝店一泉店
城南鄉四處一三券橋一孫家莊一繁城店一樵澗
店城北鄉九處一蔣馬村一小召店一趙莊一丈地
店一許田店一灣店一龐家樓一大屯村一韓家村
臨潁社學城內三處外瓦店集葛岡三家店永清鎮
四處

陝州

續河南通志卷之三十九終
靈寶義學在縣西街

閔鄉義學一在東街南一在郭里村雍正八年太學
生王平世建

盧氏義學一在蘇村一在東北鄉大宗廟一在東南
鄉關帝廟一在北鄉太湖嶺

光州

息縣義學在縣城東南隅

續河南通志卷之三十九終

續河南通志卷之四十

學校志

禮樂

朝賀班次

乾隆二十三年禮部題准

直省

朝賀之禮將軍總督一班巡撫副都統提督學政二班
總兵官協領參領織造郎中督關郎中布政使按察
使各道三班佐領督關員外郎知府副將參將四班
防禦督關主事司庫同知通判遊擊都司五班驍騎
校知州知縣守備六班筆帖式庫使經歷州同州判
縣丞千總等官七班自文東武西其因事出差之大

臣官員係一二品大臣均列第一班之首三品以下之京堂均列第二班之首五品以下之部院官員及閩省巡臺御史以至伴送外國使臣等官均列第二班之末

壇廟主祭

乾隆十六年山西布政使多綸奏准又十七年禮部咨准

各省壇廟春秋戊祭省會令督撫主祭布政使以下陪祀其有道員駐劄之府州縣地方亦令道員主祭府州縣以下等官陪祀督撫道員各有出巡職任倘遇出巡時仍令布政使及該地方正印官攝祭如將軍提鎮等均係武職應仍照向例陪祭至分駐之同知等官分司河工鹽捕等事較之道員體統殊絕州

縣係地方正印官應仍照舊主祭

附記乾隆二十五年巡撫胡寶瑤通

行縣官公出教官代祭
聖廟典史不得代祭

文廟樂章

乾隆八年奉

旨頒發各府州縣學

春季 夾鐘爲宮 應鐘起調

迎神樂咸平之章 無舞

大 伏 哉 侃

孔 伏

子 伍

先 侃

覺 仕

先 伍

知 伏

與 侃

天 伍

地 仕

參 寧

萬 侃

世 仕

之 伍

師 伍

祥 伍

徵 仕

麟 侃

紱 伏

韻 侃

答 仕

金 侃

絲 仕

日 侃

月 伏

旣 侃

揭 伍

乾 侃

坤 伏

清 侃

夷 侃

初獻樂寧平之章

有舞

予

侃懷侃

明侃德

玉侃伍

振侃伍

金侃伍

聲侃伍

生侃伍

侃

未

侃伍

展侃伍

也侃伍

大侃伍

成侃伍

俎侃伍

豆侃伍

古

春

侃伍

秋侃伍

上侃伍

了侃伍

清侃伍

酒侃伍

既侃伍

載侃伍

始

侃伍

升侃伍

亞獻樂安平之章

有舞

式

侃禮

莫侃伍

愆侃伍

升侃伍

堂侃伍

再侃伍

獻侃伍

響侃伍

黻

侃鏞

誠侃伍

孚侃伍

疊侃伍

獻侃伍

肅侃伍

雍侃伍

雍侃伍

譽

侃髦

侃斯侃伍

彦侃伍

禮侃伍

陶侃伍

樂侃伍

淑侃伍

相侃伍

而

侃善

終獻樂景平之章

有舞

自

侃古

侃在侃伍

昔侃伍

先侃伍

民侃伍

有侃伍

作侃伍

皮侃伍

弁侃伍

祭仇菜仇於仕論伍思仇樂仇惟伍

天仇彌仇民伍惟仇

聖仇時仇若仇彝伍倫伍攸仇銀仇至仇今伍木仇鐸仇

徹仇饌仇樂仇咸仇平仇之仇章仇有伍

先仇師仇有仇言伍祭仇則仇受仇福伍四仇海仇翼伍

宮仇疇仇敢仇不仇肅仇禮伍成仇告仇徹伍母仇

疏仇母仇賚仇樂伍所仇自仇生仇中伍原仇有仇

菽仇

送仇神仇樂仇咸仇平仇之仇章仇無伍

鳧仇繹仇峩仇峩伍洙仇泗仇洋仇洋仇景仇行伍

行伍止仇流仇澤仇無伍疆仇聿伍昭仇祀仇事仇

祀伏事仕孔伏仇伏明伏仇伏我伏在伏民仕首伏我伏

膠伏庠伏

秋季 南呂爲宮仲呂起調

迎神樂咸平之章

大伏哉仕

孔仕子伏先伏覺伏先伏知仕與仕天仕地仕參伏萬仕

世伏之伏師伏祥伏徵仕麟伏綏仕韻仕答伏金仕

緜伏日仕月仕旣伏揭伏乾仕坤仕清仕夷仕

初獻樂寧平之章

予伏懷仕明仕德伏玉仕振仕金伏聲伏生仕民仕

未伏有仕展仕也仕大仕成仕俎伏豆伏干仕古仕

春仕秋仕止仕丁仕清仕酒仕既仕載仕其仕香仕

始仕升仕

亞獻樂安平之章

式仕禮仕莫仕愆仕升仕堂仕再仕獻仕響仕協仕

鼗仕鏞仕誠仕孚仕鼙仕駸仕肅仕肅仕雍仕雍仕

譽仕髦仕斯仕彥仕陶仕樂仕淑仕相仕觀仕

而仕善仕

終獻樂景平之阜

自仕古仕在仕昔仕先仕民仕有仕作仕皮仕弁仕

祭仕菜仕於仕論仕思仕樂仕惟仕

天仕牖仕民仕惟仕

聖仇時仇若仇彘仇倫仇敘仇至仇今仇木仇鐸仇

徹饌樂咸平之章

先仇師仇有仇言仇祭仇則仇受仇福仇曰仇海仇饗仇

宮仇疇仇敢仇不仇書仇禮仇成仇告仇徹仇母仇

疏仇母仇賣仇樂仇所仇自仇生仇中仇原仇有仇

菽仇

送神樂咸平之章

鳧仇釋仇戕仇戕仇洙仇泗仇洋仇洋仇景仇行仇

行仇止仇流仇澤仇無仇疆仇聿仇昭仇祀仇事仇

祀仇事仇乳仇朝仇化仇蒸仇民仇育仇我仇

膠仇庫仇

禮器

照舊詳前志

樂器

照舊詳前志

舞譜

照舊詳前志

舞器

照舊詳前志

附

兩廡先賢先儒位次

乾隆十八年部頒依史傳按定序次式

東廡六十一位

先賢 臺

滄臺滅明

原憲

南宮适

史記作括

商瞿

漆雕開

司馬耕

梁鱸

一作鱸

冉儒

伯虔

冉季

漆雕多

公西赤

任不齊

公良儒

公肩定

鄒單

罕父黑

榮旌

左人郢

鄭國

原亢

廉潔

一名潔

叔仲會

公西輿如

一作公百輿名加

邽與

陳亢

琴張

步叔乘

蔡非

顏增

顏何

縣直

樂正克

萬章

周敦頤

程顥

邵雍

先儒公羊高

伏勝

董仲舒

后蒼

杜子春

諸葛亮

王通

范仲淹

歐陽修

楊時

羅從彥

李侗

呂祖謙

蔡沉

陳淳

魏了翁

王栢

趙復

許謙

吳澄

胡居仁

王守仁

羅欽順

西廡六十一位

先賢林放

迹不齊

公冶長

公皙哀

高柴

樊須

商澤

巫馬施

顏辛

曹卣

公孫龍

秦商

顏

高

一名刻

壤駟赤

石作蜀

公夏首

后

處

一作石處

奚容蒧

顏

祖

一作顏

句井疆

秦祖

縣成

公祖句茲

燕伋

一名伋

樂欵

狄黑

孔忠

公西蒧

顏之僕

施之常

申振

左邱明

秦冉

牧皮

公都子

公孫丑

張載

程頤

先儒 穀梁赤

高堂生

孔安國

毛萇

鄭康成

范甯

韓愈

胡瑗

司馬光

尹焞

胡安國

張栻

陸九淵

黃榦

眞德秀

何基

陳澹

金履祥

許衡

薛瑄

陳獻章

蔡清

陸隴其

奉祀神祇祭文

乾隆八年
年部頒

雩祭社稷先農山川祭文

恭膺

詔命撫育羣黎仰體

彤庭保赤之誠勤農勸稼俯惟節屋資生之本力穡
田令甲爰頒肅舉祈年之典惟寅將事用申守土之

續江南通志 卷之四
忱黍稷惟馨尚冀明昭之受賜來牟率育庶俾豐裕
於蓋藏尚饗

崇祭城門祭文

詔命臨民職司守土惟光人之攸賴並藉神功冀四序之
常調羣蒙福蔭必使雨暘應候爰占物阜而民安庶
其寒燠咸宜共慶時和而歲稔仰靈樞之默運聿集
嘉祥襄元化以流形俾無苗害尚饗

風雲雷雨山川城隍祭文

惟神贊襄天澤福佑蒼黎佐靈化以流形生成永賴
乘氣機而鼓盪溫肅攸宜磅礴高深長保安貞之吉
憑依鞏固實資捍禦之功幸民俗之殷盈仰神明之

此護恭修歲祀正值良辰敬潔豆邊祇陳牲幣尚饗
社稷壇祭文

惟神奠安九土粒食萬邦分五色以表封圻育三農
而蕃稼穡忝承守土肅展明禋時屆仲春敬修祀典
庶九九松栢鞏磐石於無疆翼翼忝苗佐神倉於不
匱尚饗

先農壇祭文

惟神肇興稼穡粒我烝民頌思文之德克配彼天念
率育之功陳常時夏茲當東作咸服先疇洪惟九五
之尊歲舉三推之典恭膺守土敢忘勞民謹奉彛章
聿修祀事惟願五風十雨嘉祥恒沐於神庥庶幾九

魏雙岐上瑞頻書於大有尚饗

龍神祭文

惟神德洋寰海澤潤蒼生允襄水土之平經流順軌
廣濟泉源之用膏雨及時績奏安瀾占大川之利涉
功資育物欣庶類之蕃昌仰藉神庥宜隆報享謹遵
祀典式協良辰敬布几筵肅陳牲醴尚饗

八蜡神祭文

於惟尊神實司歲功驅螿斂膾五穀乃豐茲當歲禴
虔其犧牲神其保佑惠此生靈尚饗

文廟祭文

惟

先師德隆千聖道冠百王揭日月以常行自生民所夫有
屬文教昌明之會正禮和樂節之時辟雍鐘鼓咸恪
薦於馨香泮水膠庠益致嚴於籩豆茲當春秋仲祗率
彛章肅展微忱聿將祀典尚饗

孔子先代五王祭文

惟王奕葉鍾祥光開聖緒盛德之後積久彌昌凡聲
教所覃敷率循源而溯本宜肅明禋之典用申守土
之忱茲屆仲春秋聿修祀事尚饗

關帝祭文

惟

帝浩氣凌霄丹心貫日扶正統而彰信義威震九州完大

節以篤忠貞名高三國神明如在徧祠宇於寰區靈
應丕昭薦馨香於歷代屢徵異蹟顯佑羣生恭值良
辰遵行祀典筵陳籩豆几奠牲醪尚饗

關帝先代三公祭文

惟公世澤貽庥靈源積慶德能昌後篤生神武之英
善則歸親宜享尊崇之報列上公之封爵錫命優隆
合三世以肇禋典章明備恭逢諏吉祇事薦馨尚饗
劉猛將軍祭文

惟神上贊帝德下惠生民時和年豐蝻蝻不興茲值
歲暮式薦明馨神其昭格庶幾鑒歆尚饗

賢良祠祭文

惟靈文武憲和公忠體國首

皇朝之肇造心膂攸司值

列聖之不承股肱作輔明良合德奮庸而庶績咸熙中外宣猷敷澤而兆民永賴洵爲廊廟之碩望允宜俎豆以明禮考績紀勲崇報昭垂於令典陳牲薦幣馨香祇薦於歲時尚饗

忠義孝弟祠祭文

惟靈稟賦貞純躬行篤實忠誠奮發貫金石而不渝義問宣昭表鄉閭而共式祇事懋彝倫之大性摯高義克恭念天顯之親情殷棣萼模楷咸推夫懿德

綸恩特闡其幽光祠宇維隆歲時式祀用陳奠盞來格几

續河南通志 卷之四十一
筵尚饗

節孝祠祭文

惟靈純心皎潔令德柔嘉矢志完貞全閨中之亮節
竭誠致敬彰閭內之芳型茹冰蘖而彌堅清操自勵
奉盤匱而匪懈篤孝傳徽

絲綸特沛乎殊恩祠宇昭垂於令典祇循歲祀式薦奠醪
尚饗

續河南通志卷之四十終

續河南通志卷之四十一

武備志

兵制

豫固腹心重地也我

朝盛德覃敷戎兵整戢旣簡文辭重臣節制省會復分設鎮臣捍禦疆圉使宅中之執力鞏於維城將億萬世爲

神京之屏翰矣其間駐防扼要祖以昔加詳此亦安不忘危之意至於郵傳之設所以通輶軒達羽檄實與軍政相表裏焉故並載之續武備志

撫標兵制

提督軍務巡撫一員駐劄開封府標下左右二營

雍正五年

加授總督十三年
裁總督專設巡撫

標下左營參將一員

雍正十三年裁總督專設巡撫
照雍正八年巡撫中軍改參將

例以副將改參將
兼管左右二營

守備一員千總二員把總四員

尉

二汛係千把
總輪流防守

外委千總一員外委把總兩員

舊無今
添設

標下右營守備一員千總二員把總四員

鄭州汛係
千把總輪

流防

外委千總一員外委把總二員

舊無今
添設

經制兵丁九百六十六名

內馬兵二百名守
兵七百六十六名

經制官馬四十四匹兵馬二百匹

官馬原額四十
匹今裁四匹

歲共支俸餉米折馬乾等項銀二萬五千三百一十

六兩四錢四分六釐

滿洲駐防兵制

城守尉一員駐劄開封府滿洲城

乾隆二十一年奉

上諭

歸併巡撫節制

筆帖式一員

舊設左右二員乾隆二年奉裁一員

恩騎尉一員

前蒙古佐領一員防尉一員驍騎校一員

後蒙古佐領一員防尉一員驍騎校一員

入旗佐領八員防尉八員驍騎校八員

經制兵丁八百名

內領催四十名披甲七百六十名

弓匠十名

舊止八名

添設

鐵匠十名

舊止八名添設二名

經制官馬一百九十八匹兵馬二千四百匹

歲共支俸餉米折馬乾等項銀一十萬五千五十兩
五錢八分七釐五毫五絲

北鎮兵制

鎮守河北總兵官一員駐劄懷慶府標下左右二營管
轄衛輝營開封營河南營彰德營嵩縣營王祿店營
陝州營

標下左營遊擊一員守備一員經制千總二員駐防本城

一員分防清化鎮一員經制把總四員駐防本城二員分防舊

設外委千總一員外委把總四員今裁

標下右營都司一員舊係遊擊于乾隆十九年奉文裁改設都司守備一

員經制千總二員駐防本城一員分防孟縣一員把總三員駐防本城一員

分防武陟一員溫縣一員舊設四營
舊設外委千總一員乾隆九年撥一員歸嵩縣營

員外委北總四員今裁

經制兵丁一千五百十八名

內馬兵三百二十名守兵一千一百九十八名

原額兵丁一千五百四十九名乾隆九年撥右營馬兵四名守兵十六名歸嵩縣營十九年右營遊擊改爲都司裁汰養廉馬兵二名守兵三名二十九年撥左右營守兵各三名歸陝州營現在兵丁一千五百十八名

經制官馬六十匹兵馬三百二十匹

兵馬原額三百二十六匹乾隆

九年撥右營馬四匹歸嵩縣營十九年右營遊擊改爲都司裁汰養廉馬二匹

歲共支俸餉米折馬乾等項銀三萬二千八百八十

六兩二錢五分二釐八毫六絲

管轄衛輝營叅將一員駐劄衛輝府守備一員千總

二員

駐防本城一員乾隆二十六年奉文以開封營

又將

昨城汛外委十總撥歸延津千總管理分防淇縣一員

把總五員

分防新鄉一員獲嘉

一員

滑縣一員輝縣一員濟縣一員

俱係經制千總今

改設把總

舊設外委千總一員外委把總三員今裁

經制兵丁六百五十六名

內馬兵一百四十六名守兵五百十名原額兵丁

六百二十四名乾隆二十六年延津汛改歸本營管轄撥來馬兵十三名守兵二十名共六百五十九名

州營現在兵丁六百五十六名

經制官馬二十六匹

兵馬原額一百三十六匹

三匹乾隆二十六年延津汛改歸本營管轄撥來馬十三匹

歲共支俸餉米折馬乾等銀一萬二千二百二十六

兩八錢四分六釐

管轄開封城守營都司僉書一員駐劄開封府守備

一員經制千總二員

駐

防封邱一員

外委千總一員

防

河陰今

經制把總三員

分防榮澤一員朱仙

外委把

總八員

防河陰一員

中牟一員存城一員汜水一員

留派撥衛輝營一員

協防蘭陽派撥彰德營

一員

經制兵丁七百六十二名

內馬兵一百三十四名守

兵丁七百四十六名

今添設十六名乾隆十八年都

司僉書詳稱屬儀封一縣惟各設外委一員馬兵

符汛之榆里集赤倉集向應集黃陵集清河集俱係

僻路村庄將此五處兵丁共十名調回分撥蘭儀二

縣以資防衛隨經開封府查明會銜詳况將榆里等

五處守兵十名撤撥儀封縣四名

統前原存馬兵一名守兵六名

八匹今裁
減十四匹

歲共支俸餉米折馬乾等銀一萬七千七十九兩六

錢七分六釐

管轄河南城守營叅將一員駐劄河南府守備一員
千總二員把總三員舊設外委千總一員外委把總
四員今裁

經制兵丁六百四十五名

內馬兵一百三十四名守
兵五百一十一名原額

兵丁六百四十八名乾隆二十九年奉文撥守
兵三名歸陝州營現在兵丁六百四十五名

經制官馬二十二匹兵馬一百三十四匹

歲共支俸餉米折馬乾等銀一萬四千二百二十六

兩二錢五分五釐

管轄彰德營都司僉書一員駐劄彰德府守備一員

千總一員

分防臨漳

把總四員

分防武安一員林縣一員湯陰一員內黃一員舊

設外委千總一員外委把總二員今裁

經制兵丁四百六十四名

內馬兵九十九名守兵三百六十五名原額兵丁

三百六十八名乾隆二十九年撥守兵三名歸陝州營現在兵丁四百六十四名

經制官馬十八匹兵馬九十九匹

歲共支俸餉米折馬乾等項銀八千五百三十七兩

九錢四釐

管轄嵩縣營守備一員駐劄伏牛山孫家店

原駐嵩縣城內

乾隆九年經制把總二員

駐防嵩縣城內一員乾隆九年奉文守備移駐孫家

店奉文移駐河北鎮標右營把總一員隸嵩縣營駐縣城分防永寧一員原設分防盧氏把總一員乾隆二十

六年奉文將盧氏汛撥歸陝州營管轄嵩縣營原設
把總帶兵撤回孫家店操防乾隆二十九年奉文將

把總調撥陝州
營郭村汛駐防

經制兵丁一百七十六名

內馬兵三十六名守兵一百四十名 原額兵丁一

百五十九名乾隆九年抽撥河北鎮標右營馬兵四
名守兵十六名共一百七十九名乾隆二十九年調

本營馬兵一名守兵二名歸陝州營
郭村汛現在兵丁一百七十六名

經制官馬八匹兵馬三十六匹

兵馬原額三十三匹今添設三匹

歲共支俸餉米折馬乾等項銀三千七百二十一兩

四錢三分一釐

管轄王祿店營守備一員

乾隆二十六年奉文王祿店營歸河北鎮標中軍遊

擊兼外委把總一員

舊防原武乾隆二十六年奉文改歸王祿店營協防

經制兵丁一百一十九名

內馬兵二十六名守兵一百一十九名 原額兵丁一百一十九名

二十一名原武汛改歸本營帶有原設馬兵一名守兵七名現在兵丁一百二十九名

經制官馬四匹兵馬二十五匹兵馬原額二十四匹今添設一匹

歲共支俸餉米折馬乾等項銀二千七百三十六兩

一錢一分五釐

管轄陝州營守備一員駐劄陝州千總一員外委千

總一員原防靈寶乾隆二十六年奉文接駐盧氏把總三員駐防靈寶一員分防閿鄉

縣城一員分防閿鄉郭村鎮一員乾隆二十九年撥盧氏汛孫家店把總移駐外委把總一

員協防閿鄉額外委一員乾隆二十七年奉文添設

經制兵丁三百六十名內馬兵七十二名守兵二百八十七名原額兵丁三百

四十名今添設二十名現在兵丁三百六十名

經制官馬八匹兵馬七十三匹兵馬原額七十二匹今添設一匹

歲共支俸餉米折馬乾等項銀七千五百八兩四錢

九分一釐七毫

南鎮兵制

鎮守南汝總兵官一員駐劄南陽府標下左右二營管

轄鄧新營汝寧營信陽營歸德營襄城營陳州營

標下左營遊擊一員守備一員千總二員分防裕州一員桐栢

一員把總四員駐防本城一員分防唐縣一員泌陽一員舞陽一員

標下右營遊擊一員守備一員乾隆五年移駐千總

二員專汛南陽一員分防葉縣一員把總四員分防南召一員鎮平一員內鄉一員浙川

一員

經制兵丁一千六百五十名內馬兵三百二十八名守兵一千三百二十二

名原額兵丁一千六百八十名雍正九年奉文添
守兵一百五十九名共兵丁一千八百三十九名乾
隆二年奉文裁左營兵丁六十名歸汝寧營又陸續
裁去十九名九年奉文裁右營兵丁五十名十八年
奉文撥左右營兵丁六十名移駐商
城汛現在兵丁一千六百五十名

經制官馬六十匹兵馬三百二十八匹

兵馬原額三百四十四匹裁

十二匹

歲共支俸餉米折馬乾等項銀三萬四千八百五十

兩二錢七分六釐

管轄鄧新營守備一員駐劄鄧州經制千總一員

分防

新經制把總一員

駐防
鄧州

經制兵丁二百七十一名

內馬兵五十六名守兵二百十五名
原額兵丁二百

百六十六名雍正九年奉文募守兵三十二名共二百九十八名乾隆元年奉文裁汰守兵十二名九年

奉文裁減守兵十五各現
在兵丁二百七十一名

經制官馬八匹兵馬五十六匹

歲共支俸餉米折馬乾等項銀五千六百九十一兩

八錢六分九釐

管轄汝寧營叅將一員駐劄汝寧府中軍守備一員

左軍守備一員

原係襄城營守備乾隆十八年奉文
後駐汝寧營商城汛管轄光州光山

岡始息縣商城
五州縣汛地

千總一員

原防光山乾隆七
年奉文移駐光州

把總四

員

駐防汝陽一員乾隆七年奉文自光州移
駐分防正陽一員西平一員固始一員

外委把

總七員

分防上蔡一員
員息縣一員商城一員

光州新店一員光山一
員原係

歸德營外委乾隆十八年
奉文移駐光山縣新店

經制兵丁五百八十九名

內馬兵一百一名守兵四
百八十八名原額兵丁

七百四十五名雍正八年奉文添設信陽營撥去本
營馬守兵丁三百一名實存四百三十四名九年
奉文添設守兵四十六名乾隆二年左營撥給本營
守兵六十名九年奉文裁去守兵七十二名十六年
奉文撥給信陽營馬兵二名守兵九名十八年奉文
將光州光山等五州縣撥歸商城守備管轄左右歸
襄四營撥歸本營馬守兵丁一百三十二名現在兵丁五百八十九名

歲共支俸餉折錢

四兩五石四斗

經制官馬

管轄信陽營守備一員駐劄信陽州雍正九年添設千總一

員駐防本城外委千總一員原駐遂平乾隆十六年奉文後駐楊家店把總二

員分防確山一員平頭塚一員外委把總一員原防乾隆六年奉文後駐三關

乾隆六年奉文後駐平頭塚

經制兵丁三百八十二名內馬兵一百一名守兵二百八十一名原額兵丁

三百六十六名雍正九年奉文募守兵四十名共兵
丁四百六十六名乾隆六年奉文裁去守兵三十五名十
六年奉文添設馬守兵丁十一
名現在兵丁三百八十二名

經制官馬 匹兵馬一百一匹

歲共支俸餉米折馬乾等項銀七千九百六十八兩

一錢二分三釐

管轄歸德營叅將一員駐劄歸德府守備一員經制

千總二員

駐防永城一員
考城寧陵一員

把總四員

分防虞城夏邑
一員鹿邑柘城

一員睢州一員商邱一員原防寧
陵柘城乾隆六年奉文移駐商邱

經制兵丁六百九十一名

內馬兵一百三十七名守
兵五百五十四名 原額

兵丁六百八十四名雍正九年奉文添設八十二名
共七百六十六名乾隆九年奉文裁減四十二名十

八年奉文撥赴汝寧營商城汛馬守兵
丁三十三名現在兵丁六百九十一名

經制官馬二十四匹兵馬一百三十四匹

歲共支俸餉米折馬乾等項銀一萬五千七百六十

六兩一錢六分六釐

管轄襄城營都司僉書一員駐劄襄城縣守備一員

乾隆十八年奉文移駐

千總二員

分防禹州密縣一員許州長葛一員

汝寧營新設商城汛

把總四員

駐防本城一員分防新鄭一員

經制兵丁六百五十六名

內馬兵一百三十六名守兵五百二十名原額兵

丁六百九十五名乾隆十八年奉文守備移駐商城發帶去馬守兵丁三十九名現在兵丁六百五十六

名

經制官馬二十九匹兵馬一百三十六匹

兵馬原額一百四十六匹

撥去商城

汛十四匹

續河南通志 卷之四十一
歲共支俸餉米折馬乾等項銀一萬三千八百七十

五兩一錢六釐

管轄陳州營都司僉書一員駐劄陳州府

原設守備雍正十年

奉文直隸陳州陞爲陳州府改設都司一員

經制千總一員

原駐太康雍正十年奉文

移駐淮寧爲都司中軍

經制把總三員

分防太康一員原防沈邱雍正十年太康千總

移駐淮寧將沈邱把總撥防太康分防西華一員商水一員

增設外委把總三員

協防扶溝一員項城一員沈邱一員雍正十年沈邱把總移駐太康改設外委

經制兵丁三百九十六名

內馬兵七十二名守兵三百二十四名原額兵丁

三百四十名雍正九年奉文添募守兵四十二名乾隆二年奉文添撥守兵七十名共馬守兵丁四百五

十二名現存兵丁三百九十六名

經制官馬十二匹兵馬七十二匹

歲共支俸餉銀米折馬乾等項銀六千八百七十兩
九錢九分四釐 米一千四百二十五石六斗

續河南通志卷之四十二

武備志

郵傳一

夫馬錢糧數目均照乾隆二十九年奏銷冊開造

河南通省

舊設驛塘遞馬四千七百一匹

舊設驛塘損遞等夫六千九百七十五名

歲支夫馬工料等銀二十二萬一千五百九十七兩
零遇閏加銀一萬六千五百七十五兩零

雍正八年戶部議准刑部尚書德 條奏嗣後各省

驛站奏銷仍在兵部核銷驛道交盤錢糧照布政
使交盤之例造具四柱清冊具題臣部再將動撥

各欸核對

雍正十二年兵部奏將各省棚驛未經報出皮贓銀兩及變價不及五錢者悉令照五錢例從輕開報
變價報部

雍正十三年總督王士俊題復南召縣設驛馬四匹夫二名走遞夫一名

乾隆十五年五月十五日奉

上諭向來軍機處交出公文簽發馬上飛遞者定限日行三百里遇有最緊要事件始以日行六百里字樣加簽公文緩急既有不同則遞送遲延處分亦應分別差等乃吏部議處此等案件不按三百里六百里之分但查

覈時刻逾違 俱照扣關公文例議以降一級調用比例
殊未允協 玆干例議積案甚多著量加區別除沈匿軍
情機密事件仍照驛站舊例議處外其軍機處交出尋
常緊要事件限自行六百里者倘有逾限准照扣關之
例議處若係軍機處常行事件限馬上飛遞日行三百
里者逾限之處照公文遲延例議處著爲令再軍機處
交遞公文原係酌量事件以定程期嗣後非遇緊急最
要事件亦不得以日行六百里簽發欽此

乾隆十七年兵部議奏嗣後除給有勘合火牌應付
者照例應付外其土司經過私事差遣借用乘騎
概不許應付

乾隆十九年巡撫蔣炳奏裁夏邑縣會亭驛武陟縣
寧郭驛澗池縣義昌等驛驛丞主員置南陽縣賒
旗店信陽州楊家室雜檢二員各驛夫馬工料錢
糧統歸縣管

乾隆二十年五月十九日奉

上諭據御史胡定奏直省驛站夫馬車船各上司委員及
親友家人俱須應付更間給以小票令屬員供應等語
設驛原以備公非奉差人員應馳驛者不得多索濫付
定例甚嚴近來有驛州縣遇公私差遣輒擅自動用夫
馬在屬員以差務爲名在上司亦以供應爲便甚至額
設不敷卽不免有取辦民間之事如胡定所奏俱係向

來地方陋習而相沿日甚勢必擾驛遞而累閭閻不得不力爲整飭着交各省督撫等悉心查禁倘有任意擅動濫應等弊卽按例嚴叅不得稍有瞻徇至督撫等爲封疆表率尤宜恪遵定制若以郵驛供廝隸奔馳之用則其違例悞公罪尤難追嗣後各省驛站如有復蹈前弊及督撫等徇隱不奏者一經發覺必盡法重懲以清郵政摺併發欽此

乾隆二十年巡撫蔣炳奏原兼巡檢之郭店驛林水驛博望驛保安驛明港驛宜溝驛亢村驛硤石驛等驛丞八員無庸裁汰其驛站夫馬錢糧統歸各

該州縣經理

乾隆二十三年九月二十七日奉

上諭各省驛站原爲馳遞緊要公文而設並不許地方官擅行輕動乃近來外省陋習往往於無關緊要事件遽行插翼飛遞甚至往來簡帖亦用郵傳相沿旣久遂致視爲故事以致馬匹疲乏於公務轉不免貽悞甚非慎重郵政之道嗣後務須嚴行查禁無論私事不得擅動驛馬卽地方公事亦當斟酌緩急毋得仍蹈前轍其經過縣驛各將逐日所遞公文每月造冊申報該上司嚴行查覈如有違例擅動者卽行嚴叅究治

乾隆二十三年大學士傅恒等議奏甘肅省塘站馬匹不敷暫減豫省驛馬九百匹就近解交直隸候

擢

乾隆二十五年山東道監察御史丁田澍奏准嗣後
州縣官惟承辦

大差及委運官物許其預備車船仍不得尅扣腳價濫差
需索此外私事俱照市價雇負不許濫出差票擅
行封拏

乾隆二十八年巡撫葉存仁咨准兵部抽撥尉氏洧
川虞城臨漳商水郟縣通許陽武上蔡太康汝州
汝陽汝寧鹿邑夏邑各州縣驛馬二十九匹夫十
二名增補澠池洛陽新安陝州靈寶閿鄉及義昌
碛石等七驛

續河南通志 卷之四十二
四
乾隆二十九年巡撫阿思哈奏裁河陰縣歸併滎澤
並汰其驛馬二匹夫一名

現設驛塘遞馬共三千八百三匹

現設驛塘損遞等夫共六千七百九十六名

歲支夫馬工料等銀一十九萬四百一十一兩五錢
四分九釐

遇閏加增銀一萬四千六百三十三兩五錢六分二
釐

糧儲驛鹽道彙纂河南相距各省程限

刊有成帙
故不載

糧儲驛鹽道溫必聯條議黃河水凍調撥滎澤縣驛
馬協濟滎陽鞏縣偃師三縣乾隆二十七年准行

附原稟

敬稟者奉札飭查黃河水東調撥榮澤縣馬協濟
榮陽鞏縣偃師應差雖係相沿舊例但河東究係
如何難行榮偃鞏三縣馬匹果否不敷必須協濟
向於何日撤回查明詳晰稟覆等因職道遵查豫
省南北往來公文差使自南來者由鄭州至榮澤
渡河以達亢村驛自北來者由新鄉至亢村驛渡
河以達榮澤該處河身水淺流緩中隔沙灘間段
過渡每至嚴寒即易冰凍不能行舟又非連底堅
冰難勝車馬踐碾必須由鄭州繞道榮陽鞏縣偃
師至孟津渡河歷孟縣河內修武獲嘉南達新鄉
因孟津河口水深湍急向不凍結陸路雖覺行迺
然可以隨時濟渡不致耽延所以速郵傳重差務
也查孟縣河內修武獲嘉等驛有馬四十餘匹至
五十餘匹不等即遇統道尚敷借應惟榮陽鞏縣
偃師三縣額馬僅三十匹至三十二匹為數甚少
驟增南北兩路之差應付難免支絀案於康熙五
十九年因黃河水凍臨時詳請協馬稽遲貽悞嗣
後每年預請派撥協濟循行已久職道歷稽詳案
雍正年間係每縣協馬十四匹調榮澤鄭州洛陽
三處之馬分撥三縣亦有不調洛陽而調新安者

自乾隆二年以後則統調榮澤馬三十匹分撥三縣其統調原委因從前科房雨水倒塌案卷霉爛不全無從稽考揆厥所由或因公文差使既繞道行走卽不經由榮澤而榮澤有馬一百二匹冰凍期內竟獲安閒至於洛陽新安本係西路衝途難以再撥外協而鄭州卽遇冰凍仍係經由之地尤難兼顧是以統調榮澤之馬名雖協濟別屬實則應付分內之差似屬平允且查歷年雖係預請派撥必俟冰凍始赴站而冰凍亦係間有之事近歲以來惟乾隆十六十八二十二二十六等年據報冰凍馬匹赴站其冰凍赴站以至冰凍撤開之期或僅數日至十餘日惟二十六年凍至四十餘日是冰凍既非歲歲常有而冰結又爲日無多榮澤協濟亦不致過勞似可循舊辦理再查亢村驛雖與榮澤連站但榮澤係同榮陽鞏縣偃師俱在河南相距較近一至冰凍赴馬站易於呼應而亢村地處河北若令分任協濟冰凍之後馬匹卽難徑渡如取道孟津長驅三四百甲微特易疲更恐緩不濟急是以向不兼調亢村之馬合併詳明

河南郵傳四至

仍舊詳前志

開封府屬

各驛原額夫馬錢糧及地之衝僻道里四至至省程途前志已詳現在驛務均歸各州縣經管

祥符縣

現設驛塘馬一百三十四匹

現設驛塘損遞等夫三百一十四名

歲支工料等銀八千二百五兩八錢三分二釐

遇閏照例加增

陳留縣

現設驛塘馬三十二匹

現設驛塘損遞等夫六十名

歲支工料等銀一千六百五十二兩一錢三分九釐
遇閏照例加增

杞縣

現設驛塘馬三十二匹

現設驛塘攢遞等夫六十名

歲支工料等銀一千六百五十二兩一錢三分九釐
遇閏照例加增

通許縣

現設驛塘馬七匹

現設驛塘攢遞等夫二十名

歲支工料等銀四百一兩五錢六分

遇閏照例加增

尉氏縣

現設驛塘馬二十匹

現設驛塘擯遞等夫五十五名

歲支工料等銀一千二百七十七兩一錢八分

遇閏照例加增

洧川縣

現設驛塘馬二十四匹

現設驛塘擯遞等夫五十五名

歲支工料等銀一千二百八十四兩八錢八分

遇閏照例加增

鄧陵縣

現設驛馬二匹

現設驛夫一名

歲支工料等銀五十四兩八錢二分四釐

遇閏照例加增

中牟縣

現設驛塘馬 十二匹

現設驛塘損 等夫五十一名

歲支工料等 一千五百一兩二錢一分

遇閏照例 增

陽武縣

現設驛塘馬六匹

現設驛塘槓遞等夫八名

歲支工料等銀二百八十二兩

遇閏照例加

封邱縣

現設驛馬六匹

現設驛塘遞等夫十二名

歲支工料等銀二百八十四兩九錢一分

遇閏照例加增

蘭陽縣

現設驛馬十五匹

續濟南府志卷之四十二
現設驛塘遞等夫十八名

歲支工料等銀五百八十一兩一錢

遇閏照例加增

儀封縣

現設驛馬十六匹

現設驛塘遞等夫二十三名

歲支工料等銀六百八十五兩

遇閏照例加增

鄭州

現設驛塘馬一百五匹

現設驛塘填遞等夫一百四十五名

歲支工料等銀四千六百二十九兩四錢七分
遇閏照例加增

滎陽縣

現設驛塘馬三十四匹

現設驛塘擯遞等夫五十二名

歲支工料等銀一千五百四十九兩九分九釐
遇閏照例加增

滎澤縣

現設驛塘馬一百五匹

現設驛塘擯遞等夫一百三十九名

歲支工料等銀四千五百八兩八錢八分六釐

遇閏照例加增

汜水縣

現設驛馬二匹

現設驛塘塹遞等夫三十三名

歲支工料等銀五百七十兩六錢

遇閏照例加增

禹州

現設驛塘馬六十三匹

現設驛塘塹遞等夫一百名

歲支工料等銀二千九百三十兩八分

遇閏照例加增

密縣

現設驛馬三匹

現設驛遞等夫三名

歲支工料等銀一百一十三兩五錢一分

遇閏照例加增

新鄭縣

現設驛塘馬一百五匹

現設驛塘預遞等夫一百四十四名

歲支工料等銀四千五百五十一兩九錢一分四釐

遇閏照例加增

郭店驛

係新鄭縣腰驛
站驛丞未設夫馬縣管

現設驛塘馬九十四匹

現設驛塘遞卒等夫五十七名

歲支工料等銀二千九百四十四兩四錢二分五釐
遇閏照例加增

歸德府屬

各驛原額夫馬錢糧及地之衝僻道里四至至省程
途前志已詳現在驛務均歸各州縣經管

商邱縣

現設驛塘馬三十二匹

現設驛塘損遞等夫七十二名

歲支工料等銀一千八百四十六兩五錢七分

遇閏照例加增

寧陵縣

現設驛塘馬三十二匹

現設驛塘損遞等夫六十二名

歲支工料等銀一千六百九十九兩三錢五分五釐

遇閏照例加增

永城縣

現設驛塘馬三十四匹

現設驛塘損遞等夫六十四名

歲支工料等銀一千七百八十三兩三錢九分八釐

遇閏照例加增

鹿邑縣

現設驛馬三匹

現設驛遞夫七名

歲支工料等銀一百六十八兩一錢二分

遇閏照例加增

虞城縣

現設驛馬十匹

現設驛遞等夫十三名

歲支工料等銀四百四十五兩四錢

遇閏照例加增

石榴固驛

係虞城縣腰
站夫馬驛管

現設驛塘馬三十二匹

現設驛塘損遞等夫六十三名

歲支工料等銀一千七百三十三兩六錢五分五釐

遇閏照例加增

夏邑縣

現設驛馬三匹

現設驛遞等夫六名

歲支工料等銀一百五十一兩二錢

遇閏照例加增

會亭驛

係夏邑縣腰站乾隆十九年裁驛丞夫馬縣管

現設驛塘馬三十二匹

現設驛塘損遞等夫六十二名

歲支工料等銀一千六百一十二兩六錢五分五釐
遇閏照例加增

睢州

現設驛塘馬三十二匹

現設驛塘損遞等夫七十五名

歲支工料等銀一千九百四十六兩一錢七分

遇閏照例加增

柘城縣

現設驛馬二匹

現設驛遞夫六名

歲支工料等銀一百三十四兩九錢五分

遇閏照例加增

考城縣

現設驛塘馬十八匹

現設驛塘損遞等夫二十七名

歲支工料等銀七百五十三兩八錢

遇閏照例加增

彰德府屬

各驛原額夫馬錢糧及地之衝僻道里四至至省程途前志已詳現在驛務均歸各縣經管

安陽縣

現設驛塘馬一百四十八匹

現設驛塘損遞等夫三百一十四名

歲支工料塘撥等銀八千九百一十四兩六錢九分

一釐

遇閏照例加增

湯陰縣宜溝驛

驛丞未詳
夫馬照舊

現設驛塘馬一百四十八匹

現設驛塘損遞等夫二百五十一名

歲支工料塘撥等銀八千一百五十二兩八錢九分三

釐

遇閏照例加增

臨漳縣

現設驛馬四匹

現設驛損遞等夫十三名

歲支工料塘撥等銀四百七十三兩五錢三分七釐

遇閏照例加增

林縣

現設驛馬二匹

現設驛遞等夫三名

歲支工料塘撥等銀二百六十九兩九錢三分八釐

遇閏照例加增

內黃縣

現設走遞馬十匹

歲支草料銀一百七十二兩九錢二分八釐

遇閏照例加增

武安縣

現設驛塘馬八匹

現設驛塘遞等夫十六名

歲支工料塘撥等銀四百二兩二錢四分

遇閏照例加增

涿縣

現設驛塘馬八匹

現設驛塘遞等夫一十二名

歲支工料等銀三百二十三兩九錢

遇閏照例加增

衛輝府屬

各驛原額夫馬錢糧及地之衝僻道里四至至省程
途前志已詳現在驛務均歸各縣經管

汲縣

現設驛塘馬一百四十八匹

現設驛塘損遞等夫二百九十四名

歲支工料等銀一千一百八十二兩八錢六分二釐

遇閏照例加增

新鄉縣

現設驛塘馬一百一十七匹

現設驛塘損遞等夫一百四十六名

歲支工料等銀四千九百七十四兩七錢二分八釐

遇閏照例加增

獲嘉縣

現設驛塘馬四十三匹

現設驛塘損遞等夫六十六名

歲支工料等銀二千五十六兩八錢三分五釐

遇閏照例加增

亢村驛

係獲嘉縣腰站驛
丞未裁夫馬縣管

現設驛塘馬一百一匹

現設驛塘損遞等夫一百三十九名

歲支工料塘撥等銀四千四百九十七兩九錢八分
遇閏照例加增

洪縣

現設驛塘馬一百四十八匹

現設驛塘損遞等夫二百八十四名

歲支工料塘撥等銀八千一百七十八兩九錢二分
三釐

遇閏照例加增

輝縣

現設驛馬二匹

現設驛夫一名

歲支工料等銀六十一兩六錢八分

遇閏照例加增

延津縣

現設驛塘馬六十五匹

現設驛塘損遞等夫一百九名

歲支工料等銀三千一百三十九兩八分五釐

遇閏照例加增

濬縣

現設走遞馬八匹

歲支草料銀一百四十二兩三錢三分

遇閏照例加增

滑縣

現設走遞馬八匹

歲支草料銀一百四十六兩一錢七分五釐

遇閏照例加增

懷慶府屬

各驛原額夫馬錢糧及地之衝僻道里四至至省程途前志已詳現在驛務均歸各縣經營

河內縣

現設驛塘馬六十一匹

現設驛塘損遞等夫九十四名

歲支工料等銀三千一百九十六兩五錢六分四釐
遇閏照例加增

濟源縣

現設驛馬二匹

現設驛遞等夫四名

歲支工料塘撥等銀二百四十兩三分七釐

遇閏照例加增

原武縣

現設驛馬四匹

現設驛遞等夫四名

歲支工料等銀一百五十九兩

遇閏照例加增

修武縣

現設驛塘馬四十四匹

現設驛塘損遞等夫六十八名

歲支工料等銀二千一百七十九兩四錢二分

遇閏照例加增

武陟縣

現設驛馬二十四匹

現設驛損遞等夫四十八名

歲支工料等銀一千三百十一兩四錢

遇閏照例加增

寧郭驛

係武陟縣腰站乾隆十九年裁驛丞夫馬縣管

現設驛塘馬三十六匹

現設驛塘損遞等夫六十六名

歲支工料塘撥等銀二千二百四十一兩九錢

遇閏照例加增

孟縣

現設驛塘馬四十八匹

現設驛塘損遞等夫七十名

歲支工料塘撥等銀二千四百二十七兩二錢一分

四釐

三
四
五
六
七
八
九
十
十一
十二
十三
十四
十五
十六
十七
十八
十九
二十
二十一
二十二
二十三
二十四
二十五
二十六
二十七
二十八
二十九
三十
三十一
三十二
三十三
三十四
三十五
三十六
三十七
三十八
三十九
四十
四十一
四十二
四十三
四十四
四十五
四十六
四十七
四十八
四十九
五十
五十一
五十二
五十三
五十四
五十五
五十六
五十七
五十八
五十九
六十
六十一
六十二
六十三
六十四
六十五
六十六
六十七
六十八
六十九
七十
七十一
七十二
七十三
七十四
七十五
七十六
七十七
七十八
七十九
八十
八十一
八十二
八十三
八十四
八十五
八十六
八十七
八十八
八十九
九十
九十一
九十二
九十三
九十四
九十五
九十六
九十七
九十八
九十九
一百

溫縣

現設驛馬二匹

現設驛遞等夫四名

歲支工料等銀一百四兩四錢

遇閏照例加增

河南府屬

各驛原額夫馬錢糧及地之衝僻道里四至至省程途前志已詳現在驛務均歸各縣經管

洛陽縣

現設驛塘馬六十九匹

現設驛塘損遞等夫一百三十一名

歲支工料等銀三千五百四十二兩五錢一分三釐

遇閏照例加增

優師縣

現設驛塘馬三十二匹

現設驛塘損遞等夫五十名

歲支工料等銀一千四百六十四兩二錢二分五釐

遇閏照例加增

鞏縣

現設驛塘馬三十二匹

現設驛塘損遞等夫五十名

歲支工料等銀一千四百六十三兩二錢八釐

遇閏照例加增

孟津縣

現設驛馬二匹

現設驛塘遞等夫四名

歲支工料等銀一百四兩二錢六分四釐

遇閏照例加增

宜陽縣

現設驛馬一匹

現設驛夫一名

歲支工料等銀二十五兩一錢八分

遇閏照例加增

登封縣

現設驛馬二匹

現設馬夫一名

歲支工料等銀六十三兩三錢七分六釐

遇閏照例加增

永寧縣

現設驛馬二匹

現設馬夫一名

歲支工料等銀六十兩一錢一分

遇閏照例加增

新安縣

現設驛塘馬匹四十九匹

現設驛塘損遞等夫九十四名

歲支工料等銀二千五百四十六兩八錢三分二釐
遇閏照例加增

澠池縣

現設驛塘馬五十四匹

現設驛塘損遞等夫八十八名

歲支工料等銀二千四百六十二兩六錢三分二釐

遇閏照例加增

義昌驛

係澠池縣腰站乾隆十九年裁驛丞夫馬縣管

現設驛塘馬四十九匹

續河南通志 卷之四十二
現設驛塘填遞等夫八十九名

歲支工料等銀二千四百六十二兩六錢三分二釐

遇閏照例加增

嵩縣

現設驛馬一匹

現設馬夫一名

歲支工料等銀三十八兩二錢八分三釐

遇閏照例加增

續河南通志卷之四十二終